



2373

1882

JOSEPH TORELLI

VERONENSIS

REEMENTA PROSPECTIVE

VERI

VERI

2373

IOANNES BAPTISTA VERONENSIS


VERONENSIS

VERONENSIS



VERONENSIS

EX OFFICIO



Digitized by the Internet Archive
in 2011 with funding from
Research Library, The Getty Research Institute

IOSEPHI TORELLI

VERONENSIS

ELEMENTORUM PROSPECTIVÆ

LIBRI II.

OPUS POSTHUMUM.




RECENSUIT ET EDIDIT

IOANNES BAPTISTA BERTOLINI

CENTURIO ARCHITECTUS AC IN MILITARI COLLEGIO

VERONENSI GRAPHIDOS PROFESSOR.

2373




Handwritten signature

VERONÆ

EX OFFICINA MORONIANA

2373

2



IOANNI BAPTISTÆ COMITI DE ARCO

IN MANTUANO DUCATU POLITICES REGIÆQUE
ACADEMIÆ PRÆFECTO CÆS. SACR.
MAI. CAMERARIO &C. &C. &C.

HÆRES MARCI MORONI.



IOSEPHI TORELLI *de Prospektivæ elemen-*
tis, doctorum hominum sententia, pulcherrimos
sane libros in lucem emitte, tibi, sum-
me vir, nuncupare, æquissimum iudicavi. Quidquid enim
doctissimus homo ea de re, qua plurimæ adjuvantur artes,
prudenter diligenterque conscripserat, id omne sibi commu-
nis hominum societas proprio jure vindicabat, jubebatque pri-
vatis educi parietibus; præsertim quod metuebat, ne qua
oblivionis causa plerosque immortalium virorum libros periis-
se dolemus, eadem olim Torelli opus fuisse ablatum posteri-
tas indignaretur. Quapropter, ut communi omnium utilita-

ti consultum esset, id præstitum est, ut IOANNE BAPTISTA BERTOLINI recensente, in Veronensi militaris institutionis Collegio de re graphica præceptore, Torelloquedum vivebat familiari, ea demum elementa publicis velut literarum monumentis commendarentur. Quod vero eadem tibi inscripta præcipue vellem, tua in doctrinis ratio, Torellique mens in causa fuerunt. Singularis etenim tibi est ad cognoscendum & procurandum omne disciplinarum genus prudentia, atque adeo voluntas, de quibus non id mihi summam ut pluribus differam; præsertim quod jam diu est, cum egregiis doctrinæ ingeniique documentis auctoritas hac in re tua confirmata est, ut non florentissimæ tantum cultis in Europæ regionibus Academiæ te socium cooptaverint, sed & ipsa Mantuana Academia, quod maximum est, parentem, fere dixerim, & moderatorem habeat. Quæ tua cum literis, studiosisque literarum conjunctio, magna mihi equidem causa fuit, ut in Torelliani operis editione jam statim a principio de te cogitaverim: ea tamen cum plerisque communis est; illa vero præcipua, quod Torellus ipse consilium ceperat, & cum amicis sæpius communicaverat, de suo tibi opere nuncupando, eam secutus rationem, ut quanti te faceret, & quam honestam familiaritatem sibi tuam esse existimaret, publico perennique monumento profiteretur. Quod cum ille facere judicasset, & fecisset quidem, nisi incæpta maturantem mors præoccupasset, perficiam ego, minime veritus, ne mortui familiaris officium me, veterem familiæ tuæ clientem, præstitisse, tibi gratissimum futurum sit. Quamvis enim antiquissima Majorum gloria, & quod magis commendandum est, parta tuis virtutibus dignitate plurimos in Italia præstes, concedas nemini; attamen Torellum, hominem egregiis naturæ artiumque

bonis excultum pro tui animi æquitate, dum tecum una fuit, perinde ac tibi frater esset, amasti. Si quando enim Veronæ apud socerum tuum, primum hominem, diversabar, meminimus, te, singulis fere diebus, Torelli domum adire; in cujus sermone antemeridianas sæpe horas collocares, vespertinas sæpius traheres in noctem. Nunc autem, quod ille a te longissime atque e vita abiit; quæ præclarissimi ingenii reliqua sunt, pro tua in amicitia constantia peramanter complecteris. Hæc tua cum Torello ratio est. Ego vero jam inde in vestram clientelam receptus sum, cum pater tuus, vir gravissimus, quidquid in universa latinorum carminum, quæ vester proavus Nicolaus Archius eleganter scripserat (quorum pleraque tertium pene in sæculum, ægre ferentibus literatis hominibus, premebantur) editione procuranda ad vestræ gentis celebritatem contuli, quod certe minimum fuit, perhumanissime accepit; ex quo intellexi, me si quid ejusmodi unquam expertus fuisset, rem vobis non injucundam, a me vero debitam facturum esse. Habes itaque, summe vir, cur id operis tibi maxime dictum velim; qua in re si unum mihi ex voto successerit, ut voluntatem probes meam, amplissimum meis laboribus industriaeque fructum omnino constituisse arbitrabor. Vale.

RIFORMATORI

DELLO STUDIO DI PADOVA.

AVendo veduto per la Fede di Revisione, ed Approvazione del P. F. *Ercole Pio Pavoni* Inquisitor General del Santo Offizio di *Verona* nel Libro intitolato *Iosephi Torelli Veronensis Elementorum Prospective Libri II. &c.* non vi esser cosa alcuna contro la Santa Fede Cattolica, e parimente per Attestato del Segretario Nostro, niente contro Principi, e Buoni Costumi, concediamo Licenza agli *Eredi di Marco Moroni* Stampatori di *Verona* che possi essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. li 29. Novembre 1787.

(MARCO QUERINI Rif.

(ZACCARIA VALLERESO Rif.

(FRANCESCO PESARO Cav. Proc. Rif.

Registrato in Libro a Carte 241. al Num. 2252.

Giuseppe Gradenigo Segr.

IOSEPHI TORELLI

VERONENSIS

ELEMENTORUM PROSPECTIVÆ

L I B R I II.

SI tenebræ forent, oculusque esset in tenebris constitutus, eorum, quæ sunt, nihil omnino cerneretur. Quoniam igitur multa cernuntur, necesse est lucem esse, oculumque ipsum in luce versari. Porro omne aspectabile eatenus aspectabile est, quatenus est solidum; idest extensum in longum, latum, ac profundum. Quidquid vero hujusmodi est figuram habet: omnisque figura aut uno, aut pluribus terminis concluditur; qui quidem termini, si ea solida est, sunt superficies. Itaque omne aspectabile, dum apparet, ita est comparatum, ut ab una superficie, aut pluribus ad oculum lucem transmittat. Hinc, cum ea lucis natura sit, ut secundum rectam lineam feratur, oritur pyramis luminosa, cujus sunt basis eæ, quas diximus, superficies, vertex oculus ipse. Quod si, manente pyramide, aspectabile auferatur, tamen usque apparebit, ejusque species eadem erit, eodemque loco posita. Neque enim ipsum per se, sed per collectam in pyramide lucem cernitur. Quin immo si eadem pyramis superficie aliqua secetur, auferaturque tum aspectabile, tum ea pyramidis portio, quæ est ad easdem partes, ita ut portionis, quæ relinquitur, basis sit totius

pyramidis sectio, quæ ab ea superficie fit, idem prorsus eveniet; quippe oculus a luce eodem modo afficitur. Atque hæc ita vera sunt, quocunque tandem intervallo aspectabile, & oculus inter se distent; nisi quod, si satis illud fuerit longum, pyramis luminosa intelligitur in solidum verti eandem habens basim, ac latera inter se invicem parallela. Hisce positis, ea disciplina, quæ docet quomodo eæ, quas modo diximus, sectiones inveniuntur, PROSPECTIVA vocatur, cujus elementa hoc libello traduntur.



ELEMENTORUM

PROSPECTIVÆ

LIBER I.

DEFINITIONES.

SI fuerit planum subiecto plano perpendiculare: dataque sit positione & magnitudine ultra id planum figura aliqua solida; ducanturque ab ejus angulis rectæ lineæ priori illi plano perpendiculares; quæ oritur delineatio e communibus planorum sectionibus tum perpendicularis, tum eorum, quæ a binis earum, quas diximus, perpendicularem utrinque terminantur, ita ut communis unaquæque sectio opposito figuræ lateri respondeat; figuræ eiusdem **ORTHOGRAPHIA** vocetur.

Si ab angulis figuræ, quam diximus, ducantur rectæ lineæ subiecto plano perpendiculares, puncta, in quæ eadem incidunt, angulorumque extrema, siqua sunt in subiecto plano, vocentur figuræ **VESTIGIUM**.


Ipsæ vero perpendiculares, **ANGULORUM ALTITUDINES**.

PROPOSITIO I.


Data positione & magnitudine pyramide triangularem basim habente, ejus vestigium, angulorumque altitudines invenire. Hujus autem pyramidis positio hujusmodi esse potest, ut aut ejus basis sit in subiecto plano, aut unum latus, aut extremum unius anguli.

A ij


Data sit positione & magnitudine pyramis $ABCD$, cujus basis triangulum ABC , vertex D , altitudo XY . Oportet invenire vestigium, & altitudines angulorum pyramidis $ABCD$.



Sit primo basis ABC in subiecto plano. Ducatur autem recta DE eidem plano perpendicularis; quæ quidem cadet aut in uno latere basis ABC , ut AB , aut intra basim ABC , aut extra. Cadat primo in AB , ut DE . Atque erit DE ipsi XY æqualis, ideoque magnitudine data. Data est autem magnitudine & AD . Quoniam igitur trianguli rectanguli ADE latera AD , DE circa unum acutorum angulorum ADE magnitudine data sunt, triangulum ADE specie ac magnitudine datum est; ideoque AE magnitudine est data. Data est autem & positione; datumque unum ejus extremum A . Igitur & alterum E datum est. Cadat modo recta DE intra basim ABC , ut in E ; junganturque rectæ AE , BE . Eodem modo demonstrabitur rectas AE , BE magnitudine datas esse. Itaque describantur centro A , atque intervallo AE , circulus EF ; centroque B , atque intervallo BE , circulus EG . Uterque igitur circulus positione & magnitudine datus est; ideoque punctum E est datum. Cadat denique recta DE extra basim ABC , ut in E ; junganturque rectæ AE , BE . Eodem modo demonstrabitur punctum E datum esse. Quoniam igitur in tribus hisce figuris puncta A , B , C , E data sunt, dataque item perpendicularis DE : & puncta quidem A , B , C , E vocantur pyramidis $ABCD$ vestigium, DE vero est anguli D altitudo; ideo inventa hæc sunt, vestigium pyramidis $ABCD$, & altitudo anguli D .



At vero basis ABC latus BC fit in subiecto plano. Ducatur autem a vertice D recta DE basi ABC perpendicularis; quæ quidem cadet aut in latere BC, aut intra basim ABC, aut extra, in eodem, in quo ipsa est, plano. Cadat primo in BC, ut DE. Ducantur autem a puncto E, quod quidem, ut supra, datum esse demonstrabitur, ipsi BC perpendiculares rectæ EL, EM, altera quidem in basi ABC, altera vero in plano subiecto. Atque erit angulus LEM inclinatio basis ABC ad planum subiectum, ideoque ob datam positionem pyramidem ABCD, datus. Producat ME ad H; ducaturque a vertice D recta DH ipsi MH perpendicularis. Et quoniam DE perpendicularis est basi ABC, angulus DEL rectus erit, ideoque datus. Datus est autem etiam angulus LEM. Igitur angulus, qui ex utrisque componitur, DEM per 3. dat. est datus; ideoque & qui deinceps ponitur, DEH. Et quoniam per 4. dat. in triangulo rectangulo DEH dati sunt anguli DEH, DHE, tertius quoque EDH erit datus. Triangulum igitur DEH specie per 40. dat. datum est. Data est autem DE magnitudine. Igitur triangulum DEH specie & magnitudine est datum; ideoque datæ sunt magnitudine rectæ DH, & EH. Data est autem EH & positione, datumque unum ejus extremum E. Igitur & alterum H est datum. Ducatur modo per punctum H recta HI ipsi BC parallela. Et quoniam BE cum DE & EH, quæ in puncto E se se invicem secant, rectos angulos facit, ea utique plano, quod per ipsas agitur, ad rectos angulos erit. At vero HI ipsi BE est parallela. Igitur & HI eidem plano erit ad rectos angulos; ideoque DH cum HI rectos angulos faciet. At vero eadem DH rectos angulos facit etiam cum EH. Igitur DH rectos angulos facit




per 30. dat.

per 25. &
26. dat.

cum plano, quod agitur per EH, & HI. Hoc autem planum planum est subjectum. Igitur DH ad rectos angulos est plano subjecto, hoc est anguli D altitudo. Ducatur ab angulo A ipsi BC perpendicularis recta AK. Et quoniam a dato puncto A ad BC positione datam ducta est AK datum angulum faciens AKC, data utique est positione AK. Igitur punctum K datum est; & quæ positione data est AK, ea data etiam est magnitudine. Ducatur a puncto K in subjecto plano ipsi BC ad rectos angulos recta KF; & ab angulo A ipsi KF perpendicularis AF. Demonstrabitur eodem modo, quo supra, punctum F datum esse, datamque item magnitudine rectam AF, eamque subjecto plano esse ad rectos angulos, hoc est anguli A altitudinem. Cadat modo recta DE in basi ABC, ut in E; quod quidem, ut supra, datum esse demonstrabitur: ducaturque ab E ipsi BC perpendicularis recta EL; datumque erit punctum L, ideoque data ipsa EL positione & magnitudine. Producat DE ad punctum M in subjecto plano; junctaque ML, ducatur per E recta EG ipsi BL parallela. Et quoniam EG parallela est ipsi BL, rectusque angulus BLE, rectus utique erit etiam angulus LEG. At vero angulus GEM est rectus. Igitur EG duabus LE, EM in puncto E se se invicem secantibus ad rectos angulos insistit; ideoque ad rectos angulos est etiam plano, quod per ipsas agitur. Igitur & quæ ipsi EG parallela est BL, eidem plano ad rectos angulos erit, ideoque rectos angulos faciet cum LE & LM. Angulus igitur ELM est inclinatio basis ABC ad planum subjectum; ideoque ob datam positione pyramidem ABCD, datus est. Et quoniam in triangulo rectangulo LEM dati sunt anguli ELM, LEM, dataque est ma-

gnitudine EL, demonstrabitur, ut supra, rectas LM, ME magnitudine datas esse. Producat LM ad H; ducaturque a vertice D ipsi MH perpendicularis recta DH. Erunt utique triangula DMH, LME inter se invicem similia: ac propterea ut LM ad ME, ita se habebit DM ad MH; & ut LM ad LE, ita DM ad DH. Data est autem ratio tum LM ad ME, tum LM ad LE; quippe per 1. dat. harum unaquæque est data. Data est igitur & ratio tum DM ad MH, tum DM ad DH. At vero DM est data, utpote quæ com- per 3. dat. ponitur ex datis duabus DE, & EM. Igitur data est utraque MH, & DH magnitudine. Data est autem MH & positione, datumque unum ejus extremum M. Igitur & alterum H est datum. Quod si per punctum H recta ducatur HI ipsi BC parallela, demonstrabitur, ut supra, ipsam DH plano subiecto esse ad rectos angulos, hoc est anguli D altitudinem. Ducatur ab angulo A ipsi BC perpendicularis recta AK; & reliqua fiant, ut supra. Eodem, quo supra, modo demonstrabitur punctum F in subiecto plano datum esse, datamque item anguli A altitudinem AF. Cadat denique recta DE extra basim ABC in eodem plano, in quo est ipsa ABC, ut in E; quod quidem, ut supra, datum esse demonstrabitur. Ducatur autem ab E ipsi BC perpendicularis recta EL; jungaturque a puncto L ad M, in quo DE secat planum subiectum, recta LM; eademque producta ad H, ducatur ab angulo D ipsi LH perpendicularis DH. Eodem, quo supra, modo demonstrabitur, data quidem DM utpote reliqua, si a data DE au- per 4. dat. feratur data EM, punctum H in subiecto plano datum esse, datamque item anguli D altitudinem DH. Quod si ab angulo A ducatur AK ipsi BC perpendicularis; & reliqua fiant, ut supra, demonstrabitur item eodem modo, quo supra, datum esse punctum F in subiecto plano, datamque simul anguli A altitudinem AF. Quoniam igitur in tribus hisce figuris puncta B, C, H, F data sunt, datæque item perpendiculares DH, & AF; & puncta quidem B, C, H, F vocantur pyramidis ABCD vestigium; DH vero, & AF angulorum D, & A altitudines; ideo inventa hæc sunt, vestigium pyramidis ABCD, & altitudines angulorum D, & A.



Sit denique pyramidis $ABCD$ angulus B in subiecto plano. Ducatur autem a vertice D recta DE basi ABC perpendicularis; quæ quidem cadet aut in angulo B , aut intra basim ABC , aut extra, in eodem, in quo ipsa est, plano. Cadat primo in B . Sit autem BK communis planorum sectio tum subiecti, tum ejus, in quo est basis ABC . Et punctum quidem H , in quod recta incidit DH subiecto plano perpendicularis, demonstrabitur, ut supra, datum esse. Ducatur modo ab angulo A ipsi BK perpendicularis AK . Et quoniam in triangulo rectangulo ABK angulus rectus AKB datus est, datusque item, ob pyramidem $ABCD$ positione datam, per 40. dat. angulus ABK , datus utique erit & tertius BAK . Triangulum igitur ABK specie datum est. Data est autem AB magnitudine. Igitur per cor. 40. dat. triangulum ABK specie & magnitudine est datum; ideoque datae sunt magnitudine rectæ BK & AK . At vero BK data est etiam per 27. dat. positione, datumque unum ejus extremum B . Igitur datum est etiam alterum K . Ducatur a puncto K in subiecto plano ipsi BK ad rectos angulos recta KF ; & ab angulo A ipsi KF perpendicularis recta AF . Eodem, quo supra, modo demonstrabitur punctum F datum esse, datamque item rectam AF , eamque subiecto plano esse perpendicularem, idest anguli A altitudinem. Eadem ratio est puncti G , atque altitudinis CG . Quod si recta DE cadat intra basim ABC , aut extra, in eodem plano, in quo est ipsa ABC , descriptis figuris, demonstrabitur item, ut supra in secunda positione, data esse puncta H , E , G , atque altitudines DH , AF , CG ; ut nihil attineat eadem repetere. Quoniam igitur in tribus hisce figuris, & quæ sequuntur; ideo inventa hæc sunt, vestigium pyramidis $ABCD$, atque altitudines angulorum D , A , C . Quod oportebat facere. COROL.

COROLLARIUM.


Si ab angulo B recta ducatur perpendicularis plano ei, quod subjicitur, parallelo; producanturque ad idem planum rectæ AF, CG, DH; erunt utique puncta, in quæ eadem incidunt, similiter posita ac puncta B, F, G, H: quæ vero rectæ productæ fuerint, æquales erunt rectis compositis ex ipsis AF, CG, DH, rectaque a puncto B perpendiculari; quæ quidem est planorum, quæ diximus, distantia, ideoque data. Ex quo patet quomodo pyramidis ABCD, si ea fuerit in sublimi, vestigium, angulorumque altitudines inveniantur.

PROPOSITIO II.

Data positione & magnitudine ultra planum subiecto plano perpendiculare pyramide triangularem basim habente, ejusdem orthographiam conficere.


Data sit positione & magnitudine ultra planum PR perpendiculare plano RT pyramis ABCD, cujus sit basis triangulum ABC, vertex D. Oportet conficere orthographiam pyramidis ABCD.

Sit primo basis ABC in plano RT. Inveniatur vestigium pyramidis ABCD, & altitudo anguli D; idest puncta A, B, C, E, ^{per 1. prop.} rectaque DE. Ducatur autem a puncto E perpendicularis ipsi IR, communi sectioni planorum PR, RT, recta EN. Et quoniam a dato puncto E ad datam positionem rectam IR ducta est recta EN in dato angulo ENI, ea utique erit positione data. ^{per 30. dat.} Punctum igitur N datum est. Ducatur ab N ipsi IR ad rectos ^{per 25. dat.} angulos in plano PR recta NO ipsi DE æqualis. Et quoniam ad datam positionem rectam IR, datumque in ea punctum N recta ducta est NO rectum angulum faciens INO, ea utique erit positione data. ^{per 29. dat.} Atqui data eadem est etiam magnitudine, datumque ^{per 27. dat.} unum ejus extremum N. Igitur & alterum O datum est. Du-




catur a puncto D ad O recta DO. Quoniam igitur planum PR rectum est ad planum TR; ductaque est in plano PR communi planorum sectioni IR ad rectos angulos recta ON, hæc utique ad rectos angulos erit plano RT. At vero recta DE eidem plano RT est ad rectos angulos. Rectæ igitur DE, ON sunt parallelæ. Sunt autem etiam æquales. Igitur EN parallela est ipsi DO. At vero EN perpendicularis est plano PR. Igitur etiam DO eidem plano est perpendicularis. Ducantur modo a punctis A, B, C ipsi IR perpendiculares rectæ AK, BM, CL. Hæc utique perpendiculares erunt plano PR; punctaque K, M, L erunt data. Itaque si rectæ jungantur OK, OM, OL, erunt KM, ML, KL, OK, OM, OL communes sectiones planorum tum PR, tum AM, BL, AL, AO, BO, CO: quorum primum terminatur a perpendicularibus AK, BM; secundum a perpendicularibus BM, CL; tertium a perpendicularibus AK, CL; quartum a perpendicularibus DO, AK; quintum a perpendicularibus DO, BM; sex-

tum a perpendicularibus DO , CL . Ac pyramidis $ABCD$ lateri AB respondet sectio KM ; lateri BC sectio ML ; lateri AC sectio KL ; lateri AD sectio KO ; lateri BD sectio MO ; lateri CD sectio LO . Quæ autem oritur delineatio ex hujusmodi sectionibus, figuræ orthographia vocatur. Igitur delineatio $KMLO$ est orthographia pyramidis $ABCD$. per 1. def.



At vero basis ABC latus BC sit in plano RT . Inveniantur vestigium pyramidis $ABCD$, & altitudines angulorum D , A ; idest puncta F , B , C , H , rectæque AF , DH ; describaturque figura. Eodem, quo supra, modo demonstrabitur delineationem $QMLO$ esse orthographiam pyramidis $ABCD$.



Sit denique pyramidis $ABCD$ angulus B in plano RT . Inveniantur vestigium pyramidis $ABCD$, & altitudines angulorum A , C , D ; idest puncta F , B , G , H , rectæque AF , CG , DH ; describaturque figura. Eodem, quo supra, modo demonstrabitur delineationem $QMVO$ esse orthographiam pyramidis $ABCD$.

Data igitur positione & magnitudine; & quæ sequuntur. Quod oportebat facere.

DEFINITIO.


Si fuerit planum ad subiectum planum inclinatum: dataque sit positione & magnitudine ultra id planum figura aliqua solida; ducanturque ab ejus angulis rectæ lineæ rectæ cuidam parallelæ, quæ in subiecto plano cum communi planorum sectione æquales angulos facit; quæ oritur delineatio e communibus planorum sectionibus tum inclinati, tum eorum, quæ a binis earum, quas diximus,

parallelarum utrinque terminantur, ita ut communis unaquæque sectio opposito figuræ lateri respondeat; figuræ ejusdem ORTHOGRAPHIA PROCUMBENS VOCETUR.

PROPOSITIO III.

Data positione & magnitudine ultra planum ad subiectum planum inclinatum pyramide triangularem basim habente, ejusdem orthographiam procumbentem conficere.

Data sit positione & magnitudine ultra planum HR inclinatum ad planum IS pyramis $ABCD$, cujus sit basis triangulum ABC , vertex D . Oportet conficere orthographiam procumbentem pyramidis $ABCD$.



Sit primo basis ABC in plano IS . Inveniantur vestigium pyramidis $ABCD$, & altitudo anguli D ; idest puncta A, B, C, E , per 1. Prop.

& DP in eodem atque DE. Igitur in uno eodemque plano sunt NO & DP. Aequalis est autem angulus ONQ angulo DPE. Igitur ON & DP sunt parallelæ. At vero sunt etiam æquales. Igitur DO parallela est ipsi PN. Parallela est autem PN ipsi IT. Parallela est igitur & DO ipsi IT, Ducantur modo a punctis A, B, C ipsi IT parallelæ rectæ AK, BM, CL; eruntque puncta K, M, L data. Itaque si rectæ jungantur OK, OM, OL, erunt KM, ML, KL, OK, OM, OL communes sectiones planorum tum HR, tum AM, BL, AL, AO, BO, CO: quorum primum terminatur a parallelis AK, BM; & cætera, ut in secunda Propositione. Quæ autem oritur delineatio ex hujusmodi sectionibus, figuræ orthographia procumbens vocatur. Igitur delineatio KMLO orthographia procumbens est pyramidis ABCD. Quod si pyramidis ABCD sit in plano IS latus BC, aut angulus B, inventis vestigiis, & angulorum altitudinibus, descriptisque figuris, demonstratio eodem modo conficitur.

per 28., &
25. dat.

Data igitur positione & magnitudine; & quæ sequuntur. Quod oportebat facere.

DEFINITIO.


Si fuerit planum subiecto plano perpendiculare: dataque sit positione & magnitudine ultra id planum figura aliqua solida; ducanturque ab ejus angulis rectæ lineæ rectæ cuidam parallelæ, quæ cum communi planorum sectione in subiecto plano inæquales angulos facit, aut quoscunque in sublimi; quæ oritur delineatio e communibus planorum sectionibus tum perpendicularis, tum eorum, quæ a binis earum, quas diximus, parallelarum utrinque terminantur, ita ut communis unaquæque sectio opposito figuræ lateri respondeat; figuræ ejusdem SCENOGRAPHIA PARALLELA vocetur.

PROPOSITIO IV.

Data positione & magnitudine ultra planum subiecto plano perpendiculare pyramide triangularem basim habente, ejusdem scenographiam parallelam conficere.

Data sit positione & magnitudine ultra planum HR perpendiculare plano IS pyramis $ABCD$, cujus sit basis triangulum ABC , vertex D . Oportet conficere scenographiam parallelam pyramidis $ABCD$.

Sit primo basis ABC in plano IS . Inveniantur vestigium pyramidis $ABCD$, & altitudo anguli D ; idest puncta A , B , C , E , rectaque DE . Erit autem recta linea, quæ cum communi planorum HR , IS sectione IR angulos facit, aut in subiecto plano, aut in sublimi. Sit primo in subiecto plano, cujusmodi est IT inæquales angulos faciens cum IR ; ducanturque a punctis A , E , B , C eidem IT parallelæ rectæ AZ , EF , BG , CP ; eademque fiant quæ in Propositione secunda. Sane parallela pyramidis $ABCD$ scenographia haud secus conficietur, atque ejusdem orthographia confecta sit. At vero recta, quam modo diximus, sit in sublimi, cujusmodi est IV quoscunque angulos faciens cum IR , æquales nempe, five inæquales. Ducatur autem a puncto V plano IS perpendicularis recta VT , jungaturque IT . Erit utique angulus acutus TIV rectæ IV ad planum IS inclinatio, ideoque datus; rectaque IT secundum ipsam IV five æquales, five inæquales angulos faciet cum IR . Ducatur a puncto C ipsi IT parallela recta CP ; & a dato puncto P ad rectos angulos ipsi PR in plano HR recta PL , quæ itidem erit ad rectos angulos ipsi PC ; deinde sumpta in PR PX æquali ipsi CP , ducatur a puncto X item dato ad angulum ipsi TIV æqualem recta XL ipsam PL secans in puncto L . Atque erit datum id punctum. Producaturo modo recta CP ad punctum Q , ut sit PQ ipsi IT æqualis, ducaturque a Q plano IS perpendicularis æqualisque ipsi TV recta QY , rectæque jungantur PY , YV , TQ . Et quoniam TV , YQ æquales sunt ac parallelæ, ideo QT æqualis est ac parallela ipsi VY .




VY. Aequalis est autem ac parallela TQ ipsi IP. Aequalis est
 igitur ac parallela etiam VY ipsi IP; ac propterea PY parallela
 est ipsi IV. Jungatur a puncto C ad L recta CL. Quoniam igitur
 triangula TIV, QPY similia sunt, erit angulus QPY æqua-
 lis angulo TIV: eademque ratione quoniam similia sunt triangu-
 la XPL, CPL, erit angulus LXP æqualis angulo PCL. Aequalis
 est autem angulus LXP angulo TIV. Aequalis est igitur etiam
 angulus QPY angulo PCL. At vero rectæ PY, CL in eodem
 sunt plano. Igitur CL parallela est ipsi PY. Parallela est autem
 PY ipsi IV. Parallela est igitur etiam CL ipsi IV. Ducantur mo-
 do a punctis A, E, B ipsi IT parallelæ rectæ AZ, EF, BG,
 eademque fiant quæ supra. Eodem modo demonstrabitur puncta
 K, N, M data esse; & quæ rectæ junguntur AK, EN, BM,
 eas esse ipsi IV parallelas. Jam vero producaturn FN ad O, ut
 fit NO ipsi DE æqualis; jungaturque a puncto D ad O, quod
 quidem est datum, DO. Quoniam igitur DE, NO sunt æqua-

per 27. dat.

PROPOSITIO V.

Si a puncto quovis C vestigii A, B, C, E ad communem planorum HR, IS sectionem IR ducatur recta CD ad datum angulum CDI; sumptaque in DR ipsi CD æquali DO, jungantur ad datum punctum L, in quod parallela incidit CL, rectæ DL, LO; anguli LDO, LOD erunt uterque dati.

Quoniam enim a dato puncto C ad datam positione IR ducta est CD datum angulum faciens CDI, ea utique data erit posi- per 30. dat. tione; ideoque punctum D erit datum. At vero DO data est po- per 25. dat.



sitione & magnitudine. Punctum igitur O datum est. Datum est per 27. dat. autem punctum L. Utraque igitur DL, OL positione & magni- per 25. dat. tudine data est. Igitur triangulum DOL specie datum est; ac per 39. dat. propterea dati singuli ejus anguli. Dati sunt igitur anguli LDO, per 3. def. LOD. Quod si ab alio quovis vestigii puncto recta ducatur ad ^{dat.} sectionem IR ipsi CD parallela, sumptaque in IR recta eidem

æquali, & ad easdem partes, ad quas sumpta fuit DO, jungantur ab ejus extremis ad id punctum plani HR, in quod recta incidit parallela ipsi CL, duæ rectæ; quos hæc angulos faciunt cum IR, hi erunt æquales angulis LDO, DOL, alter alteri. Hoc autem infra demonstrabitur.

C O R O L L A R I U M.

Ex hoc manifestum est, in quarta Propositione puncta K, N, M delineationis KMLO aliter inveniri posse atque illa inventa sint.

L E M M A.

Si duo plana se se invicem secant; ducanturque a duobus punctis in eorum altero sumptis ad communem planorum sectionem duæ rectæ parallelæ, aliæque duæ ad planum alterum itidem parallelæ; sumantur autem in communi planorum sectione a punctis, in quibus priores parallelæ eandem secant, duæ rectæ iis, quas modo diximus, parallelis æquales & ad easdem partes, & jungantur ab utriusque extremis ad ea puncta, in quæ secundæ parallelæ incidunt, duæ rectæ, binæ ad unum; anguli, quos istæ faciunt cum communi planorum sectione, æquales erunt, quo sunt ordine deinceps positi.

Secent se se invicem plana HR, IS; sumptisque in plano IS punctis A, C, ducantur ab iisdem ad IR communem planorum HR, IS sectionem parallelæ AQ, CD, & ad planum HR parallelæ item AK, CL; sumatur autem a puncto Q ipsi AQ æqualis recta QY, æqualisque ipsi CD a puncto D recta DO, & jungantur a punctis Q, Y ad K rectæ QK, YK, & a punctis D, O ad L rectæ DL, OL. Dico æquales esse angulum KQY angulo LDO, & angulum QYK angulo DOL.

DEFINITIO.


Si fuerit planum ad subiectum planum inclinatum: dataque sit positio & magnitudine ultra id planum figura aliqua solida; ducanturque ab ejus angulis rectæ lineæ rectæ cuidam parallelæ, quæ cum communi planorum sectione in subiecto plano inæquales angulos facit, aut quoscunque in sublimi; quæ oritur delineatio e communibus planorum sectionibus tum inclinati, tum eorum, quæ a binis earum, quas diximus, parallelarum utrinque terminantur, ita ut communis unaquæque sectio opposito figuræ lateri respondeat, figuræ ejusdem SCENOGRAPHIA PARALLELA PROCUMBENS vocetur.

PROPOSITIO VI.


Data positio & magnitudine ultra planum ad subiectum planum inclinatum pyramide triangularem basim habente, ejusdem scenographiam parallelam procumbentemque conficere.

Data sit positio & magnitudine ultra planum HR inclinatum ad planum IS pyramis $ABCD$, cujus sit basis triangulum ABC , vertex D . Oportet conficere scenographiam parallelam procumbentem pyramidis $ABCD$.

Sit primo basis ABC in plano IS . Inveniatur vestigium pyramidis $ABCD$, & altitudo anguli D ; idest puncta A, B, C, E , rectaque DE . Erit autem recta linea, quæ cum communi planorum HR, IS sectione IR angulos facit, aut in subiecto plano, aut in sublimi. Sit primo in subiecto plano, cujusmodi est IT inæquales angulos faciens cum IR . Ducantur autem a puncto E ad IR rectæ EF, EN altera parallela ipsi IT , altera ad rectos angulos ipsi IR ; atque DE producta plano HR occurrat




in puncto G , junganturque ab eodem ad data puncta F , N , re- per 30. &
 & GF , GN ; & ducatur a puncto E recta EV parallela ipsi 25. dat.
 IR . Et quoniam GE recta est ad planum IS , ea utique cum
 EV rectos angulos facit. Facit autem etiam EN rectos angulos
 cum EV . Igitur EV ad rectos angulos est plano NEG . At ve-
 ro NI parallela est ipsi EV . Igitur ipsa etiam NI eidem plano
 NEG ad rectos est angulos; ideoque rectos angulos facit cum
 utraque EN & NG . Angulus igitur ENG est plani HR ad pla-
 num IS inclinatio, ideoque datus. Quoniam igitur in triangulo
 NEG dati sunt anguli NEG , ENG , datus erit & tertius NGE ;
 ideoque triangulum NEG datum erit specie. Data est autem ma- per 40 dat.
 gnitudine recta EN . Igitur triangulum NEG datum est specie & Per cor. 40.
 magnitudine; ideoque data magnitudine utraque EG , NG . Et dat.
 quoniam triangulum GNF habet angulum GNF datum, datasque per 30, 25,
 circa illum magnitudine GN , NF , erit triangulum GNF datum & 26. dat.
 specie & magnitudine; ideoque datus uterque angulus NGF , per cor. 41.
 NFG , itemque magnitudine recta FG . At vero data est positio- dat.




ne recta IR, datumque in ea punctum F. Recta igitur FG po-
 per 29. dat. sitione quoque est data. Quoniam vero in triangulo GEF datæ
 per cor. 42. sunt magnitudine rectæ GE, EF, FG, erit triangulum GEF da-
 dat. tum specie & magnitudine, ideoque datus angulus EFG. Duca-
 tur modo a puncto D recta DP ipsi GF parallela. Erit utique
 angulus DPE æqualis angulo EFG, ideoque datus. Et quoniam
 in triangulo DEP dati sunt anguli DEP, DPE, datus erit & ter-
 per 40. dat. tius PDE; ideoque triangulum DEP datum specie. Data est au-
 per cor. 40. tem magnitudine recta DE. Igitur triangulum DEP datum est
 dat. specie & magnitudine; ideoque DP magnitudine data. Sumatur
 per 29. dat. PO in FG ipsi DP æqualis; ducaturque a puncto O dato recta
 OQ ipsi DE parallela, & jungatur DO. Quoniam igitur in trian-
 gulis DPE, OFQ angulus DPE æqualis est angulo OFQ, & an-
 gulus DEP æqualis angulo OQF, æqualisque DP ipsi OF, erit
 utique etiam DE æqualis ipsi OQ. Est autem DE ipsi OQ etiam
 parallela. Igitur DO parallela est ipsi EQ. Parallela est autem
 LQ ipsi IT. Parallela est igitur DO eidem IT. Ducantur modo
 a punctis

a punctis A, B, C ipsi IT parallelæ rectæ AK, BM, CL; rectæque jungantur KO, MO, LO. At vero recta linea, quæ



cum communi planorum HR , IS sectione IR angulos facit, sit in sublimi, cujusmodi est IV quoscunque angulos faciens cum IR , æquales nempe, sive inæquales. Ducatur autem a puncto V plano IS perpendicularis recta VT ; jungaturque IT . Erit utique angulus acutus TIV rectæ IV ad planum IS inclinatio, ideoque datus; rectæque IT secundum ipsam IV sive æquales, sive inæquales angulos faciet cum IR . Ducatur a puncto E ipsi IT parallela recta EF ; jungaturque a puncto G , in quod DE ad planum HR producta incidit, ad datum punctum F recta GF . Demonstrabitur, per. 30. & 25. dat. ut supra, angulum EFG esse datum. Constituatur modo ad rectam lineam FR , datumque in ipsa punctum F in plano HR angulus RFN angulo EFG æqualis, sumptaque in FR FX æquali ipsi EF , ducatur item a dato puncto X ad angulum æqualem ipsi TIV recta XN . Erunt utique FN , XN utraque per 29. dat.



per 25. dat. data ; ideoque datum erit punctum N. Datum est autem & punctum F. Recta igitur FN magnitudine est data. Itaque centro F, atque intervallo FN, describatur circulus NN. Erit utique circulus NN positione datus. Data est autem positione etiam recta FG. Igitur punctum N est datum. Ducatur a puncto E ad N recta EN. Demonstrabitur, ut in quarta Propositione, angulum FEN aequalem esse angulo TIV, ideoque datum, rectamque EN ipsi IV esse parallelam. Et quoniam dati sunt anguli EFN, FEN, dati erunt utique etiam anguli ENG, NED. Itaque ducatur a puncto D recta DP ipsi GN parallela. Erit utique angulus DPE aqualis angulo ENG, ideoque datus. Demonstrabitur autem, ut supra, rectam DP magnitudine datam esse. Itaque si sumatur in NG NO ipsi DP aqualis, ducaturque a puncto O dato recta OQ ipsi DE parallela, & jungatur DO, demonstrabitur, ut supra, rectam DO ipsi EN, ideoque ipsi IV parallelam esse. Ducatur a puncto A ipsi IT parallela recta AZ;

& ab eodem puncto plano IS ad rectos angulos recta AY, quæ plano HR occurrat in puncto Y; jungaturque a puncto Y ad datum Z recta YZ. Quoniam igitur duæ rectæ ZA, AY parallelæ sunt duabus rectis FE, EG, quæ plana per ipsas aguntur ZAY, FEG, ea erunt parallelæ. Et quoniam duo plana parallelæ ZAY, FEG secantur a plano HR, communes ipsorum sectiones ZY, FG sunt parallelæ. Igitur angulus RZY æqualis est angulo RFG. Rursus quoniam duæ rectæ AZ, ZY parallelæ sunt duabus rectis EF, FG, erit angulus AZY æqualis angulo EFG. Itaque si quæ ad punctum F præparata sunt, eadem præparentur ad punctum Z, demonstrabitur, ut supra, punctum K datum esse, rectamque AK rectæ IV esse parallelam. Idem vero dicendum de punctis M, L, rectisque BM, CL. Itaque rectæ jungantur KM, ML, KL, itemque KO, MO, LO. Atque erunt in utraque figura KM, ML, KL, KO, MO, LO communes sectiones planorum tum HR, tum AM, BL, AL, AO, BO, CO: quorum primum terminatur a parallelis AK, BM; & cætera, ut in secunda Propositione. Quæ autem oritur delineatio ex hujusmodi sectionibus, figuræ scenographia parallela procumbens vocatur. Igitur delineatio KMLO scenographia parallela procumbens est pyramidis ABCD. Quod si pyramidis ABCD sit in plano IS sive latus BC, sive angulus B, inventis vestigiis, & angulorum altitudinibus, descriptisque figuris, demonstratio eodem modo conficitur.

Data igitur positione & magnitudine, & quæ sequuntur. Quod oportebat facere.

COROLLARIUM.

Illud vero manifestum est, puncta K, M, L delineationis KMLO haud secus in hac Propositione inveniri posse, atque in quarta, per quintam Propositionem, inventa sint.

DEFINITIO.


Si fuerit planum subiecto plano perpendicularare: dataque sit positione & magnitudine ultra id planum figura aliqua solida; ducanturque ab ejus angulis ad punctum citra idem planum datæ lineæ; quæ oriatur delineatio e communibus sectionibus plani perpendicularis, ac triangulorum, quorum unumquodque basim habet unum figuræ latus, verticem punctum datum, figuræ ejusdem SCENOGRAPHIA CONCURRENS vocetur.

PROPOSITIO VII.

Data positione & magnitudine ultra planum subiecto plano perpendicularare pyramide triangularem basim habente, datoque citra id planum puncto aliquo, ejusdem scenographiam concurrentem conficere.

Data sit positione & magnitudine ultra planum LR perpendicularare plano QK pyramis ABCD, cujus sit basis triangulum ABC, vertex D. Datum autem sit citra planum LR punctum I. Oportet conficere scenographiam concurrentem pyramidis ABCD.


Sit primo basis ABC in plano QK. Inveniantur vestigium pyramidis ABCD, & altitudo anguli D; idest puncta A, B, C, E, rectaque DE. Ducatur autem a puncto I plano QK perpendicularis recta IK. Erit utique datum punctum K. Datum est autem & punctum I. Igitur IK data est positione & magnitudine. Ducatur item a puncto K, communi planorum LR, QK sectioni QR perpendicularis, recta KR; & in plano LR a dato puncto R, ipsi QR ad rectos angulos, rectæque IK æqualis, RH. Atque erit RH data positione, & magnitudine; ideoque datum punctum H. Jungatur HI. Et quoniam IK, HR uni eisdemque plano QK ad rectos sunt angulos, ex utique sunt inter se invicem parallelæ. At vero eædem sunt æquales. Igitur pa-




rallelae & aequales sunt etiam RK , HI . Data est autem magni-
 tudine RK . Data est igitur magnitudine & HI . Ducatur a pun-
 cto H ipsi QR parallela recta HL . Et quoniam duae IH , HL
 parallelae sunt duabus KR , RQ , erit angulus IHL aequalis angu-
 lo KRQ , ideoque datus. Ducatur a puncto I ad HL recta IG
 ad angulum IGH dato cuivis aequalem. Et quoniam in triangu-
 lo IGH dati sunt anguli IHG , IGH , dataque magnitudine etiam
 IH , ideo triangulum IGH specie & magnitudine datum est. Igi-
 tur utraque IG , GH magnitudine data est. Data est autem HG
 etiam positione, datumque unum ejus extremum H . Igitur etiam
 alterum G est datum. Ducatur modo a puncto E ad QR recta
 EF ad angulum EFQ ipsi IGH aequalem, ut sit EF ipsi IG pa-
 rallela; (hoc enim fieri potest, quoniam plana QK , IHG sunt
 parallela) & per EF , IG agatur planum $EFIG$. Erit utique
 communis planorum LR , $EFIG$ sectio FG recta linea. Jungatur
 EI . Et quoniam rectae FG , EI sunt in uno eodemque plano
 $EFIG$, secabunt se se invicem in puncto aliquo N . Jam vero
 in triangulis IGN , NFE cum angulus IGN aequalis sit angulo
 NFE , angulisque ING aequalis angulo ENF , erunt triangu-

per cor. 40.
dat.

per 27. dat.



IGN , NFE æquiangula. Ut igitur IG ad EF , ita se habet GN ad NF . Et componendo, ut recta composita ex IG & EF ad EF , ita se habet recta composita ex GN & NF , hoc est GF , ad NF . At vero ratio, quam habet recta composita ex IG & EF ad EF , est data. Igitur & ratio data est, quam GF habet ad NF . Data est autem magnitudine GF . Data est igitur magnitudine & NF . Atqui data eadem est & positione, datumque per 27. dat. unum ejus extremum F . Igitur & alterum N est datum. Jungatur modo recta DI , eaque plano LR occurrat in puncto O ; jungaturque NO . Quoniam igitur DE plano QK ad rectos angulos est, ideo & planum, quod per ipsam agitur, DEI eidem plano ad rectos angulos erit. At vero etiam planum LR plano QK ad rectos est angulos. Igitur communis planorum LR , DEI sectio NO , si producat, ad rectos angulos erit eidem plano QK ; ideoque positione data. Et quoniam ED , NO sunt parallelæ, ut EI ad IN , ita se habebit ED ad NO . Ut autem EI ad IN , ita se habet FG ad GN . Ut igitur FG ad GN , ita se habet ED ad NO . At vero ratio, quam FG habet ad GN , est data. Igitur & ratio data est, quam ED habet ad NO .




Sit denique pyramidis $ABCD$ angulus B in plano QK . Inveniantur vestigium pyramidis $ABCD$, & altitudines angulorum A , C , D ; idest puncta B , P , M , E , rectæque AP , CM , DE ; describaturque figura. Eodem, quo supra, modo demonstrabitur delineationem $VXSO$ esse scenographiam concurrentem pyramidis $ABCD$.

Data igitur positione & magnitudine; & quæ sequuntur. Quod oportebat facere.

PROPOSITIO VIII.

Si in prima figura superioris Propositionis sumatur in FR , communi planorum LR , QK sectione, recta FM ipsi EF æqualis, & in GL recta GZ æqualis ipsi GI , jungaturque recta MZ , ea per punctum N transibit. Item si a puncto F ducatur recta FT æqualis ipsi ED , eademque ipsi NO parallela, jungaturque recta TG , ea transibit per punctum O .



Si enim recta MZ per punctum N non transit, ea fecet, ut in apposita figura, rectam FG in puncto Y . Erunt utique triangula GZY , YMF æquiangula. Ut igitur GZ ad FM , ita se habet GY ad YF . Et componendo, ut recta composita ex GZ & FM ad FM , ita recta composita ex GY & YF , hoc est GF , ad FY . Ut autem recta composita ex GZ & FM ad FM , ita se habet recta composita ex IG & EF ad EF : quoniam GZ æqualis est ipsi IG , & FM æqualis ipsi EF ; demonstratumque est rectam compositam ex IG & EF ita se habere ad EF , ut GF ad FN . Igitur ut GF ad FY , ita se habet GF ad FN ; ideoque FY æqualis est ipsi FN , minor majori; quod fieri non potest. Non igitur recta MZ secat rectam GF in puncto Y . Sed neque in alio quovis puncto, præterquam in N . Igitur recta MZ transit per punctum N . Jam vero neque recta TG transeat per punctum O ; sed fecet rectam NO , si oportuerit, productam in puncto aliquo X . Quoniam igitur FT , NX sunt parallelæ, ut FG ad GN , ita se habebit FT ad NX . Ut autem FG ad GN , ita se habet etiam FT ad NO ; quoniam FT ipsi ED est æqualis. Igitur ut FT ad NX , ita se habet FT ad NO ;


ideoque NX æqualis est ipsi NO , major minori; quod fieri non potest. Non igitur recta TG secat rectam NO in puncto X . Sed neque in alio quovis puncto, præterquam in O . Igitur recta TG transit per punctum O . Quod oportebat demonstrare.

COROLLARIUM.

Ex hoc manifestum est in septima Propositione puncta N , O delineationis $VXSO$ aliter inveniri posse, atque in illa inventa sint.

PROPOSITIO IX.

Si in prima figura septimæ Propositionis ducatur a puncto aliquo Y communis planorum LR , QK sectio-



nis QF recta YZ ipsi FT æqualis & parallela, junganturque ab ejus extremis Y , Z rectæ YG , ZG ; tum vero a dato puncto N ipsi QF parallela ducatur NM , & a

puncto M MP parallela ipsi NO ; erit MP data positione & magnitudine, ipsique NO æqualis.


Quoniam enim rectæ YG extrema Y, G positione data sunt, erit utique YG data positione & magnitudine. Rursus quoniam per 26. dat. per datum punctum N secundum datam positione QF ducta est NM. data utique erit NM positione. Datum est igitur punctum per 28. dat. M. Eodem modo demonstrabitur etiam punctum P datum esse. per 25. dat. Igitur MP data est positione & magnitudine. Jam vero quoniam in triangulo YFG YF, MN sunt parallelæ, ut FG ad GN, ita se habebit YG ad GM. Ut autem FG ad GN, ita se habet FT ad NO; & ut YG ad GM, ita YZ ad MP. Igitur ut FT ad NO, ita se habet YZ ad MP. Æqualis est autem FT ipsi YZ. Æqualis est igitur etiam NO ipsi MP. Quod oportebat demonstrare.

COROLLARIUM.

Quod si recta jungatur PO, ea erit ipsi MN parallela. Ex quo manifestum est in septima Propositione punctum O, atque ideo rectam NO delineationis VXSO aliter posse inveniri, atque ibi, & in Corollario octavæ Propositionis inventa sit; ita nempe ut omnes altitudines, cujuscumque est YZ, si plures sint, in una eademque recta positione data sumantur.

PROPOSITIO X.

Si in prima figura septimæ Propositionis a puncto I ducatur utcumque ad GH recta IH, & a puncto E ad QF EY angulum faciens EYF æqualem angulo IHG; quæ rectæ junguntur HN, YN, in directo sibi invicem erunt. Quod si a puncto Y ipsi FT parallela ducatur YZ, jungaturque recta HO, ea si producat, abscindet YZ æqualem ipsi FT.



Quoniam enim parallelæ sunt EF ipsi IG, & EY ipsi IH, erit utique angulus FEY æqualis angulo GIH. Æqualis est autem etiam angulus EYF angulo IHG. Igitur triangulum EYF æquiangulum est triangulo IHG; ac propterea ut EY ad EF, ita se habet IH ad IG. At vero EF ad EN ita se habet, ut IG ad IN. Igitur ex æqua eademque ordinata proportionem, ut EY ad EN, ita se habet IH ad IN. Æqualis est autem angulus MEY angulo NIH. Igitur triangulum EYN triangulo IHN est æquiangulum; ideoque angulus ENY æqualis angulo INH. Erit igitur YN in directo ipsi NH. Rursus quoniam æquiangula sunt trian- gula FNY, GNH, ut FN ad NG, ita se habebit YN ad NH. Et componendo, ut FG ad GN, ita YH ad HN. Ut autem FG ad GN, ita se habet FT ad NO; & ut YH ad HN, ita YZ ad NO. Igitur ut FT ad NO, ita se habet YZ ad NO; ideoque æqualis est TF ipsi YZ. Quod oportebat demonstrare.

COROLLARIUM.

Ex hoc manifestum est punctum N quæri posse sive per rectas IG , EF , sive per IH , EY ; punctumque O posse item quæri sive per rectas FT , TG , sive per YZ , ZH : utrovis autem modo quærantur, eodem loco posita inventum iri. Quod vero de puncto N dictum est, idem dicendum de punctis V , X , S . Quocirca delineatio $VXSO$ in utroque casu eadem erit, eodemque loca posita.

DEFINITIO.

Si fuerit planum ad subiectum planum inclinatum: dataque sit positio & magnitudine ultra id planum figura aliqua solida: ducanturque ab ejus angulis ad punctum citra id planum datam rectæ lineæ; quæ oritur delineatio e communibus sectionibus plani inclinati, ac triangulorum, quorum unumquodque basim habet unum figuræ latus, verticem punctum datum; figuræ ejusdem SCENOGRAPHIA CONCURRENS PROCUMBENSQUE vocetur.

PROPOSITIO XI.

Data positio & magnitudine ultra planum ad subiectum planum inclinatum pyramide triangularem basim habente, ejusdem scenographiam concurrentem procumbentemque conficere.


Data sit positio & magnitudine ultra planum VS inclinatum ad planum ZK pyramis $ABCD$, cujus sit basis triangulum ABC , vertex D . Datum autem sit citra planum VS punctum I . Oportet conficere scenographiam concurrentem procumbentemque pyramidis $ABCD$.

Sit primo basis ABC in plano ZK. Inveniantur vestigium py-
 ramidis ABCD, & altitudo anguli D; idest puncta A, B, C,
 E, rectaque DE. Ducatur autem a puncto I plano ZK perpen-
 dicularis recta IK. Erit utique datum punctum K. Datum est
 autem & punctum I. Igitur IK data est positione & magnitudi-
 ne. Ducantur item a puncto K communi planorum VS, ZK
 sectioni ZS perpendicularis recta KS; atque a puncto I ipsi KS
 parallela ad planum VS recta IH; & a puncto H recta HR pa-
 rallela ipsi IK, atque ipsi KS productæ occurrens in puncto R;
 jungaturque HS. Quoniam igitur HR recta est ad planum ZK,
 ea utique cum rectis omnibus, quæ ipsam contingentes in eodem
 sunt plano, rectos angulos faciet. Itaque recta ducatur RX pa-
 rallela ipsi ZS; eritque RX ipsi HR ad rectos angulos. Est au-
 tem RX ad rectos angulos ipsi etiam RS. Igitur RX plano HRS
 ad rectos angulos est. At vero RX, ZS sunt parallelæ. Igitur
 etiam ZS eidem plano HRS ad rectos est angulos; ideoque utra-
 que HS, RS cum ZS rectos angulos facit. Angulus igitur HSR
 est planorum VS, ZK inclinatio, ideoque datus. Jam vero quo-
 niam in triangulo HRS dati sunt anguli HRS, HSR, dataque
 item magnitudine HR utpote quæ ipsi IK est æqualis, erit uti-
 que RS magnitudine data. At vero data est magnitudine etiam
 KS. Igitur & KR magnitudine data est, nec non eidem æqualis
 IH. Ducantur a puncto H ipsi ZS parallela recta HV; atque
 a puncto I ad HV recta IG ad angulum IGH dato cuivis æqua-
 lem. Erit utique IG data magnitudine. Itaque ducatur a puncto
 E ad ZS recta EF ad angulum EFZ ipsi IGH æqualem, ut sit
 EF ipsi IG parallela; eademque fiant, quæ in Propositione septi-
 ma. Eodem modo demonstrabitur, punctum N, in quo rectæ
 FG, IE se se invicem secant, datum esse. Ducatur modo ab E
 ad K recta EK ipsam ZS secans in puncto Q, eaque producat
 ad M; atque DE producta plano VS occurrat in puncto P, jun-
 gaturque ab eodem ad datum punctum Q recta PQ, quæ quidem
 per punctum N transibit; eritque positione data. Hoc enim haud
 secus demonstrabitur, atque in Propositione sexta demonstratum
 est. Jungatur denique recta ID, ducaturque DT parallela ipsi


per cor. 40.
dat.

per 30. 25.
& 26. dat.
per 3. dat.

per cor. 40.
dat.



EK, atque EL parallela ipsi NQ. Et quoniam triangulum DIT
 habet angulum DTI datum, datasque circa illum magnitudine
 IT, TD, erit triangulum DIT datum specie & magnitudine, per cor. 4^{ta}.
dat.
 ideoque datus angulus IDT. Datus est autem etiam angulus EDT.
 Igitur angulus EDI est datus, ideoque & qui deinceps ponitur per 3. dat.
 EDL. Quoniam vero datus est uterque angulus MED, MEL,
 erit utique datus angulus DEL. Igitur triangulum DEL specie per 4. dat.
 datum est. Data est autem magnitudine DE. Igitur triangulum per 40. dat.
 DEL specie & magnitudine est datum; ideoque data magnitudi- per. cor.
ejusd.
 ne EL. Jam vero quoniam EL, NO sunt parallelæ, ut EI ad
 IN ita se habebit EL ad NO. Ut autem EI ad IN, ita se ha-
 bet FG ad GN. Ut igitur FG ad GN, ita se habet EL ad NO.
 At vero ratio, quam FG habet ad GN, est data. Igitur & ra- per 5. dat.
 tio data est, quam EL habet ad NO. Data est autem magnitu-
 dine EL. Data est igitur magnitudine etiam NO. Atqui data ea- per 2. dat.
 dem est etiam positione, datumque unum ejus extremum N. Igi-
 tur & alterum extremum O datum est. Inveniantur puncta Y, per 27. dat.
 Δ, Θ haud secus ac punctum N inventum est, rectæque jungan-
 tur YΔ, ΔΘ, YΘ, itemque OY, OΔ, OΘ. Erunt utique YΔ,



$\Delta\Theta$, $Y\Theta$, OY , $O\Delta$, $O\Theta$ communes sectiones plani VS , ac triangulorum IAB , IBC , IAC , IAD , IBD , ICD . Ac pyramidis $ABCD$ latus AB est basis trianguli IAB ; & cætera, ut in septima Propositione. Quæ autem oritur delineatio ex hujusmodi sectionibus figuræ scenographia concurrens procumbensque vocatur. Igitur delineatio $Y\Delta\Theta O$ scenographia concurrens procumbensque est pyramidis $ABCD$. Quod si pyramidis $ABCD$ sit in plano ZK sive latus BC , sive angulus B , inventis vestigiis, & angulorum altitudinibus, descriptisque figuris, demonstratio eodem modo conficietur.

Data igitur positione & magnitudine; & quæ sequuntur. Quod oportebat facere.

COROLLARIUM I.

Illud vero manifestum est, puncta N , O delineationis $Y\Delta\Theta O$ haud secus in hac Propositione inveniri posse, atque in septima, per Propositiones octavam & nonam, inventa sint; si ad punctum O quod attinet pro DE sumatur LE , eaque a puncto quovis communis planorum VS , ZK sectionis ita ducatur, ut ipsi PQ sit parallela. Ex quo sequitur non omnes rectas, cujusmodi est LE , si plures sint, in una eademque recta positione data sumi posse, sed eas tantum, quas inter se invicem parallelas esse contigerit.


COROLLARIUM II.

Quin etiam illud est manifestum, quod de scenographia concurrente pyramidis $ABCD$ in Propositione decima demonstratum est, idem de concurrente procumbenteque posse demonstrari.

PROPOSITIO XII.

Si in figura superioris Propositionis producantur rectæ HS , IK , quousque convenient invicem in puncto Γ , punctum Γ datum erit; rectaque PQ producta transibit per punctum Γ .

Quoniam enim in triangulo IHT datus est angulus HIT , itemque ipsi RSH æqualis IHT , triangulum utique IHT specie datum per 40 dat. erit; data est autem magnitudine recta IH . Igitur triangulum IHT specie & magnitudine datum est, ideoque HT magnitudine per cor. data. Data est autem HT etiam positione, datumque unum ejus ^{ejusd.} extremum H . Igitur & alterum T est datum. Jam vero si re- per 27. dat.



Ita PQ producta per punctum Γ non transit, ea secet rectam HF in puncto Δ . Ducatur a puncto I ad Σ , in quo PQ secat ipsam VH , recta $I\Sigma$. Quoniam igitur duo plana parallela $IH\Sigma$, KSQ secantur a plano ΣK , erunt utique communes ipsorum sectiones inter se invicem parallelæ. Igitur recta $I\Sigma$ parallela est ipsi QK . Parallelæ sunt autem duæ IH , $H\Sigma$ duabus KS , SQ altera alteri. Igitur triangulum $IH\Sigma$

æquiangulum est triangulo KSQ ; ac propterea, ut IH ad KS , ita se habet $H\Sigma$ ad SQ . Ut autem IH ad KS , ita se habet $H\Gamma$ ad FS , & ut $H\Sigma$ ad SQ , ita se habet $H\Delta$ ad ΔS . Igitur, ut $H\Gamma$ ad FS , ita se habet $H\Delta$ ad ΔS . Et dividendo, HS ad $S\Gamma$ ita se habet, ut HS ad $S\Delta$; ideoque $S\Gamma$ æqualis est ipsi $S\Delta$, maior minori; quod fieri non potest. Non igitur recta PQ producta secat rectam HF in puncto Δ . Sed neque in alio quovis puncto præterquam in Γ . Igitur recta PQ producta transit per punctum Γ . Quod oportebat demonstrare.

COROLLARIUM.


Ex hoc manifestum est in undecima Propositione, invento quidem puncto N , rectæ PQ positionem aliter quæri posse, atque in illa inventa sit. Quod vero de recta PQ demonstratum est, idem constat demonstrari posse de hujusmodi rectis, siquæ sint. Ex quo sequitur, puncto quidem ad quamque quod attinet invento, cuiusmodi est N , uniuscujusque positionem facillime inventum iri.

PROPOSITIO XIII.

Datis positione & magnitudine solidæ cujuslibet figuræ delineatione, sive ea scenographia concurrens sit, sive concurrens procumbensque, & scenographica cujusque anguli ejusdem figuræ altitudine; datoque puncto, unde ea delineatio confecta est, figuram ipsam invenire.

Sit in plano LR perpendiculari plano QK delineatio $VXSO$ scenographia concurrens pyramidis triangularem basim habentis; NO altitudo scenographica anguli O ; I punctum, unde ea delineatio confecta est. Oportet invenire ipsam pyramidem.

Quærantur, ut in Propositione septima, recta IG , punctum G , angulusque IGH . Ducatur autem per data puncta G , N recta GF . Ea erit utique positione data. Data est autem positione etiam QR . Igitur punctum F est datum. Sumatur modo in GL ipsi IG æqualis GZ , ducaturque per data puncta Z , N recta ZM . Erit utique datum punctum M . Datum est autem & punctum F . Igitur FM magnitudinis est data. Ducatur FE ipsi IG parallela, eadem æqualis ipsi FM ; eritque FE positione data & magnitudine. Datum est autem unum ejus extremum F . Igitur & alterum E est datum. Jungantur rectæ IN , NE . Et quoniam ut GN ad NF , ita se habet GZ ad FM , æqualesque sunt GZ




ipsi GI , & FM ipsi FE ; se habebit utique ut GN ad NF , ita GI ad FE . Et permutando, ut GN ad GI , ita NF ad FE . At vero angulus IGN æqualis est angulo NFE . Igitur triangulum IGN triangulo NFE est æquiangulum; ideoque angulus ING æqualis angulo ENF . Erit igitur IN in directo ipsi NE . Eodem modo inveniuntur puncta A, B, C ; ac demonstrabitur rectas $IV, VA; IS, SC; IX, XB$ sibi invicem esse in directo. Ducatur modo a puncto F ipsi NO parallela recta FT , & a puncto G per O recta GT . Atque erunt FT, GT positione datæ. Punctum igitur T est datum. Datum est autem & punctum F . Igitur FT magnitudine est data. Ducatur denique a puncto E ipsi FT æqualis & parallela, ideoque plano QK ad rectos angulos recta DE ; junganturque rectæ IO, OD . Et quoniam ut FG ad GN , ita se habet tum EI ad IN , tum FT , sive eidem æqualis ED , ad NO , se habebit utique ut EI ad IN , ita ED ad NO . At vero ED parallela est ipsi NO . Igitur recta IO in directo quidem est ipsi OD . Itaque si rectæ jungantur AB, BC, CA , itemque AD, BD, CD , erit $ABCD$ pyramis triangularem ha-

per 4. def.
dat.

per 25. dat.

per 26. dat.

sim habens ABC, altitudinem ED; ex qua a dato puncto I ejusdem pyramidis scenographia concurrens confecta est VXSO.




Sit modo in plano VS inclinato ad planum PK delineatio YXTO scenographia concurrens procumbensque pyramidis triangularem basim habentis; NO altitudo scenographica anguli O; I punctum, unde ea delineatio confecta est. Quærantur, ut in Propositione undecima, recta IG, punctum G, angulusque IGH. Invenientur autem in hac scenographia haud secus, atque in concurrente inventa sint, puncta E, A, B, C, rectaque EL ipsi NO parallela; ac demonstrabitur in directo sibi invicem esse rectas IN, NE; IY, YA; IX, XB; IT, TC; IO, OL. Ducatur a puncto E ipsi IK parallela, ideoque plano PK ad rectos angulos recta ED; jungaturque EK. Et quoniam trianguli ILE datus est angulus IEL, dataque circa illum magnitudine IE, EL, erit utique datum specie & magnitudine triangulum ILE; ideoque datus angulus EIL. Rursus quoniam trianguli IDE dati sunt anguli tum EID, tum IED, ob datum utrumque angulum DEK, per 4. dat. IEK, erit triangulum IDE datum specie. Data est autem magni-

per cor. 41.
dat.

per 4. dat.

per 40. dat.



per cor. 40. tudine EI. Triangulum igitur IDE specie & magnitudine est datum; ideoque data magnitudine ED. Itaque si rectæ jungantur AB, BC, CA, itemque AD, BD, CD, erit ABCD pyramis triangularem habens basim ABC, altitudinem ED; ex qua a dato puncto I ejusdem pyramidis scenographia concurrens procumbensque YXTO confecta est. Eodem modo, datis positione & magnitudine solidæ alius cujuslibet figuræ delineatione, sive ea scenographia concurrens sit, sive concurrens procumbensque, & scenographica cujusque anguli ejusdem figuræ altitudine, datoque puncto, unde ea delineatio confecta est, figuram ipsam inveniemus.

DEFINITIO.

Si fuerit planum subjecto plano parallelum, idemque positione datum: dataque sit positione & magnitudine ultra id planum figura aliqua solida; ducanturque ab ejus angulis rectæ lineæ priori illi plano perpendiculares; quæ oritur delineatio e communibus planorum sectionibus,

tum paralleli, tum eorum, quæ a binis earum, quas diximus, perpendicularium utrinque terminantur, ita ut communis unaquæque sectio opposito figuræ lateri respondeat; figuræ ejusdem ORTHOGRAPHIA HORIZONTALIS vocetur.

PROPOSITIO XIV.

Data positione & magnitudine ultra planum subiecto plano parallelum, idemque positione datum pyramide triangularem basim habente, ejusdem orthographiam horizontalem conficere.

Data sit positione & magnitudine ultra planum IL parallelum plano MP , idemque distans ab eodem intervallo K , pyramis $ABCD$, cujus sit basis triangulum ABC , vertex D . Oportet conficere orthographiam horizontalem pyramidis $ABCD$.

Sit primo basis ABC in plano MP .

Inveniatur vesti-

gium pyramidis

$ABCD$; idest pun-

cta A, B, C, E .

ducanturque ab

hiscæ punctis pla-

no IL ad rectos

angulos rectæ AH ,

BN, CQ, EO ,

quæ quidem eidem

occurrant in pun-

ctis H, N, Q, O .

Et quoniam a punto A

plano IL ad rectos

angulos ducta est AH ,

ea utique erit positione data.

Data est per 29. dat.

autem & magnitudine,


utpote quæ ipsi K est æqualis;

datum-


que unum ejus extremum A .

Igitur & alterum H est datum. per 27. dat.

Eodem modo demonstrabitur puncta N, Q, O data esse. Itaque




si rectæ jungantur
 HN , NQ , QH ,
 itemque HO , NO , I
 QO , eæ commu-
 nes erunt sectio-
 nes planorum tum
 IL , tum AN ,
 BQ , CH , AO , M
 BO , CO : quorum
 primum termina-
 tur a perpendicu-
 laribus AH , BN ;
 secundum a per-




pendicularibus BN , CQ ; tertium a perpendicularibus AH , CQ ;
 quartum a perpendicularibus DO , AH ; quintum a perpendicu-
 laribus DO , BN ; sextum a perpendicularibus DO , CQ . Ac py-
 ramidis $ABCD$ lateri AB respondet sectio HN ; lateri BC sectio
 NQ ; lateri AC sectio HQ ; lateri AD sectio OH ; lateri BD se-
 ctio ON ; lateri CD sectio OQ . Quæ autem oritur delineatio ex
 hujusmodi sectionibus, figuræ orthographia horizontalis vocatur.
 Igitur delineatio $HNQO$ orthographia horizontalis est pyramidis
 $ABCD$.

At vero basis
 ABC latus BC sit
 in plano MP . In- I
 veniatur vestigium
 pyramidis $ABCD$;
 idest puncta F ,
 B , C , E : ducan-
 turque ab hisce
 punctis plano IL
 ad rectos angulos
 rectæ FH , BN ,
 CQ , EO , quæ
 eundem eidem oc-



currant in punctis H, N, Q, O ; describaturque figura. Eodem, quo supra, modo demonstrabitur delineationem $HNQO$ esse orthographiam horizontalem pyramidis $ABCD$.

Sit denique pyramidis $ABCD$ angulus B in plano MP . Inveniat^r vestigium pyramidis $ABCD$; idest puncta F, B, G, E : ducanturque ab hisce punctis plano IL ad rectos angulos rectæ FH, BN, GQ, EO , quæ




quidem eidem occurrant in punctis H, N, Q, O ; describaturque figura. Eodem, quo supra, modo demonstrabitur delineationem $HNQO$ esse orthographiam horizontalem pyramidis $ABCD$.


Data igitur positione & magnitudine; & quæ sequuntur. Quod oportebat facere.

COROLLARIUM.


Quoniam in prima figura AB, BC parallelæ sunt & æquales ipsi HN, NQ, angulusque ABC æqualis est angulo HNQ; erit utique triangulum ABC æquale triangulo HNQ, eidemque simile ac similiter positum. Idem, si rectæ jungantur AE, BE, CE, concluditur de triangulis tum AEB, HON, tum BEC, NOQ, tum AEC, HOQ. Ex quo illud manifestum est, figuram ABCE, quæ in subiecto plano MP describitur, delineationem repræsentare, quæ in plano parallelo IL utique conficienda erat.



Haud secus res habet in figuris secunda, & tertia; si junctis in earum altera rectis BF, FC, FE, BE, CE figuræ inter se invicem comparentur FBCE, HNQO; in al-



tera junctis re-
ctis FB, BG,
GF, FE, BE,
GE comparen-
tur inter se in-
vicem figuræ
FBGE, HNQO.



DEFINITIO.

Si fuerit planum subjecto plano parallelum, idemque positione datum; dataque sit positione & magnitudine ultra id planum figura aliqua solida; ducanturque ab ejus angulis rectæ lineæ rectæ cuidam parallelæ ad subjectum planum inclinatæ; quæ oritur delineatio e communibus planorum sectionibus tum paralleli, tum eorum, quæ a binis earum, quas diximus, parallelarum utrinque terminantur, ita ut communis unaquæque sectio opposito figuræ lateri respondeat, figuræ ejusdem SCENOGRAPHIA PARALLELA HORIZONTALIS vocetur.

PROPOSITIO XV.

Data positione & magnitudine ultra planum subjecto plano parallelum, idemque positione datum pyramide triangularem basim habente, ejusdem scenographiam parallelam horizontalem conficere.

Data sit positione & magnitudine ultra planum YX parallelum plano $\Gamma\Lambda$, idemque distans ab eodem intervallo K, pyramis

tudine EZ. Atqui datum est unum ejus extremum E. Igitur & alterum Z est datum. Data est igitur positione ZM. At vero data eodem est & magnitudine; datumque unum ejus extremum Z. Igitur & alterum M est datum. Eodem modo inventis punctis R, S, T, demonstrabitur puncta H, N, Q data esse. Producat^{ur} ED, ita ut plano YX occurrat in puncto I. Erit utique datum punctum I. Datum est autem & punctum M. Igitur si recta jungatur IM, ea positione & magnitudine data erit. Fiat modo ut IE ad ED, ita IM ad MO. Et quoniam ratio data est, quam IE habet ad ED, data erit & ratio, quam habet IM ad MO. Data est autem magnitudine IM. Igitur etiam MO, quæ positione data est, magnitudine est data. Atqui datum est unum ejus extremum M. Igitur & alterum O est datum. Itaque si rectæ jungantur HN, NQ, QH, itemque HO, NO, QO, ea erunt communes sectiones planorum tum YX, tum AN, BQ, CH, AO, BO, CO: quorum primum terminatur a parallelis AH, BN; & cætera, ut in Propositione decima quarta. Quæ autem oritur delineatio ex hujusmodi sectionibus, scenographia parallela horizontalis vocatur. Igitur delineatio HNQQ scenographia parallela horizontalis est pyramidis ABCD. Quod si pyramidis ABCD sit in plano ΓA five latus BC, five angulus B, inventis vestigiis, & angulorum altitudinibus, descriptisque figuris, demonstratio eodem modo conficitur.

Data igitur positione & magnitudine; & quæ sequuntur. Quod oportebat facere.

COROLLARIUM I.


Quoniam demonstratum est, ut IE ad ED, ita se habere IM ad MO, illud constat, si IE ipsi IM æqualis fuerit, five angulus IEM dimidium anguli recti, etiam DE ipsi MO æqualem fore.

COROLLARIUM II.

Quin etiam quoniam in triangulis AHR , EMZ anguli RAH , HRA æquales sunt angulis ZEM , MZE alter alteri, æqualisque RH ipsi ZM , erit utique AR æqualis ipsi EZ . Eodem quoque modo concluditur utramque rectam BS , CT , itemque aliam hujusmodi quamlibet, si qua sit, ipsi EZ æqualem esse.

COROLLARIUM III.

Quod si rectæ jungantur RS , ST , TR , ductaque OL plano ΓA perpendiculari eidemque occurrente in pun-



cto L dato, jungantur item rectæ RL , SL , TL , demonstrabitur, ut in Corollario Propositionis decimæ quartæ, triangula tum RST , HNQ ; tum RLS , HON ; tum SLT ,

NOQ; tum RLT, HOQ æqualia inter se invicem esse, eademque similia ac similiter posita. Ex quo illud manifestum est, figuram RSTL, quæ in subiecto plano ΓA describitur, delineationem repræsentare, quæ in plano parallelo YX utique conficienda erat. Idem demonstrabitur in figura secunda & tertia, si figuræ, in suo quæque plano, eodem modo inter se invicem comparentur.

DEFINITIO.


Si fuerit planum subiecto plano parallelum, idemque positione datum; dataque sit positione & magnitudine ultra id planum figura aliqua solida: ducanturque ab ejus angulis ad punctum citra id planum datæ rectæ lineæ; quæ oritur delineatio e communibus sectionibus plani paralleli, ac triangulorum, quorum unumquodque basim habet unum figuræ latus, verticem punctum datum, figuræ ejusdem SCENOGRAPHIA CONCURRENS HORIZONTALIS vocetur.

PROPOSITIO XVI.

Data positione & magnitudine ultra planum subiecto plano parallelum, idemque positione datum pyramide triangularem basim habente, datoque citra id planum puncto aliquo, ejusdem scenographiam concurrentem horizontalem conficere.

Data sit positione & magnitudine ultra planum YX parallelum plano ΓA , idemque distans ab eodem intervallo K, pyramis ABCD, cujus sit basis triangulum ABC, vertex D. Datum autem sit citra planum YX punctum I. Oportet conficere scenographiam concurrentem horizontalem pyramidis ABCD.

VNQO esse scenographiam concurrentem horizontalem pyramidis ABCD.




Sit denique pyramidis ABCD angulus B in plano ΓA . Inveniantur vestigium pyramidis ABCD, & altitudines angulorum A, C, D; idest puncta B, F, G, E, rectæque AF, CG, DE; describaturque figura. Eodem, quo supra, modo demonstrabitur, delineationem VNQO esse scenographiam concurrentem horizontalem pyramidis ABCD.

Data igitur positione & magnitudine; & quæ sequuntur. Quod oportebat facere.

COROLLARIUM.


Quod si in prima figura a punctis H, N, Q, O plano ΓA perpendiculares ducantur rectæ HR, NS, QT, OL, junganturque RS, ST, TR, itemque SL, TL, RL, demonstrabitur, ut in Corollario Propositionis decimæ quartæ, triangula tum RST, HNQ; tum RLS, HON;



tum SLT , NOQ ; tum RLT , HOQ æqualia inter se invicem esse, eademque similia, ac similiter posita. Ex quo illud manifestum est figuram $RSTL$, quæ in subiecto plano $\Gamma\Lambda$ describitur, delineationem repræsentare, quæ in plano parallelo YX utique conficenda erat. Idem demonstrabitur in figura secunda & tertia, si figuræ, in suo quæque plano, eodem modo inter se invicem comparentur.

PROPOSITIO XVII.

Si in prima figura superioris Propositionis, Corollarii diagrammate in eâ descripto, ducatur a puncto Λ in plano $\Gamma\Lambda$ recta $\Lambda\Theta$ ipsi IA æqualis, angulosque cum $\Delta\Lambda$



quoscumque faciens; deinde vero a $\Lambda\Theta$ auferatur $\Lambda\P$ æqualis ipsi $\Delta\Delta$, junctaque $A\Theta$, ducatur a puncto Π ipsi AA parallela recta $\Pi\Sigma$ ipsi $A\Theta$ occurrens in Σ ; quæ recta ab hoc puncto ducitur parallela ipsi $\Lambda\Theta$, ea per punctum R transibit. Item si a puncto E in plano $\Gamma\Lambda$ ducatur recta EM æqualis ipsi ED , eademque parallela ipsi $\Lambda\Theta$, junctaque $M\Theta$, a puncto Π ducatur ΠZ parallela ipsi $E\Lambda$, occurrensque ipsi $M\Theta$ in Z ; quæ recta ducitur ab hoc puncto parallela ipsi $\Lambda\Theta$, ea transibit per punctum L .

Si enim recta, quæ a puncto Σ ducitur ipsi $\Lambda\Theta$ parallela, per punctum R non transit, ea secet rectam AA in puncto Ψ , ut

$\Sigma\P$. Quoniam igitur ut ΔI ad $I\Delta$, ita se habet $\Delta\Lambda$ ad ΔH si-
ve ad ΛR , æqualesque sunt ΔI ipsi $\Lambda\Theta$, & $I\Delta$ ipsi $\Theta\P$; ideo
se habebit ut $\Lambda\Theta$ ad $\Theta\P$, ita $\Delta\Lambda$ ad ΛR . Ut autem $\Lambda\Theta$ ad
 $\Theta\P$, ita se habet $\Delta\Lambda$ ad $\Sigma\P$. Ut igitur $\Delta\Lambda$ ad $\Sigma\P$, ita se ha-
bet $\Delta\Lambda$ ad ΛR . Igitur $\Sigma\P$ æqualis est ipsi ΛR . Æqualis est
autem $\Sigma\P$ ipsi $\Psi\Lambda$; quoniam $\Delta\P\Sigma\P$ est parallelogrammum.
Æqualis est igitur $R\Lambda$ ipsi $\Psi\Lambda$, major minori; quod fieri non
potest. Non igitur recta $\Sigma\P$ secat rectam $\Delta\Lambda$ in puncto Ψ . Sed
neque in alio quovis, præterquam in R . Igitur recta $\Sigma\P$ transit
per punctum R . Quod erat unum. Jam vero recta, quæ a
puncto Ξ ducitur ipsi $\Lambda\Theta$ parallela, non transeat per punctum
 L , sed secet rectam $E\Lambda$ in puncto Φ , ut $\Xi\Phi$. Ducatur a pun-
cto M recta $M\Omega$ parallela ipsi $E\Lambda$. Et quoniam, ut $I\Omega$ ad $I\Delta$,
ita se habet $E\Lambda$ ad $O\Delta$ siue ad $L\Delta$; æqualesque sunt $I\Omega$ ipsi
 $\Theta\Omega$, & $I\Delta$ ipsi $\Theta\P$; ideo se habebit, ut $\Theta\Omega$ ad $\Theta\P$, ita $E\Lambda$
ad $L\Delta$. Ut autem $\Theta\Omega$ ad $\Theta\P$, ita se habet $M\Omega$ siue $E\Lambda$ ad
 $\Xi\P$. Ut igitur $E\Lambda$ ad $\Xi\P$, ita se habet $E\Lambda$ ad $L\Delta$. Igitur $\Xi\P$
æqualis est ipsi $L\Delta$. Æqualis est autem $\Xi\P$ ipsi $\Phi\Delta$; quoniam
 $\Phi\Delta\P\Xi$ est parallelogrammum. Æqualis est igitur $\Phi\Delta$ ipsi $L\Delta$,
major minori; quod fieri non potest. Non igitur recta $\Xi\Phi$ se-
cat rectam $E\Lambda$ in puncto Φ . Sed neque in alio quovis, præter-
quam in L . Igitur recta $\Xi\Phi$ transit per punctum L . Quod erat
alterum.

C O R O L L A R I U M.

Ex hoc manifestum est puncta R , S , T , L delinea-
tionis $RSTL$ aliter inveniri posse, atque in Corollario
Propositionis decimæ sextæ inventa sunt.

P E T I T I O.

Petimus solidam figuram curva superficie comprehen-
sam per figuram eidem inscriptam posse repræsentari.

basis est circulus circa AB descriptus, vertex O, figuram inferire, atque invenire ejusdem vestigium, & angulorum altitudines.

Ducatur a puncto I recta IK ipsi CE parallela, eademque sub-
 jecto plano perpendicularis, & a puncto C recta CY parallela
 ipsi EK; deinde vero producantur IB, AB ad puncta X, L, re-
 ctæque jungantur CA, CB. Quoniam igitur IK magnitudine da-
 ta est, dataque item magnitudine YK, utpote quæ ipsi CE est
 æqualis; si ab IK YK auferatur, & quæ relinquitur IY erit ma-
 gnitudine data. Data est autem magnitudine etiam CY, utpote
 quæ ipsi EK æqualis est, datusque angulus CYI. Igitur triangu-
 lum CYI specie & magnitudine est datum; ideoque data CI, da-
 tusque item angulus CIY. Et quoniam in triangulo rectangulo
 CBI datæ sunt magnitudine tum CB; tum CI, eæ utique datam
 inter se invicem rationem habebunt. Triangulum igitur CBI spe-
 cie & magnitudine datum est; ideoque data magnitudine IB, da-
 tusque item angulus CIB. At vero datus est angulus CIY. Igi-
 tur si minor a majore auferatur, qui relinquitur XIX erit da-
 tus. Jam vero cum in triangulo XIX dati sint anguli XKI,
 KIX, datus erit & tertius IXK, ideoque triangulum XIX datum
 specie. Data est autem IK magnitudine. Igitur triangulum XIX
 magnitudine etiam datum est; ideoque XK magnitudine est data.
 Data est autem magnitudine etiam EK. Igitur EX magnitudine
 data est. Æqualis est autem EX ipsi XB. Igitur XB magnitudi-
 ne est data. Et quoniam in triangulo IBM dati sunt anguli BMI,
 MIB, dataque etiam magnitudine BI, data erit magnitudine BM,
 datusque item angulus MBI. At vero angulus XBL æqualis est
 angulo MBI. Igitur & angulus XBL est datus. Datus est autem
 & angulus BXL, dataque magnitudine BX. Igitur etiam angulus
 BLX datus est, dataque magnitudine utraque BL, XL. Data est
 autem magnitudine etiam EX. Igitur & quæ ex iisdem compo-
 nitur EL magnitudine est data. Atqui data est etiam positio, per
 datumque unum ejus extremum E. Igitur & alterum extremum
 L datum est. Ducantur modo a punctis A, B rectæ AF, BH
 ipsi CE parallela; & a puncto B recta BV parallela ipsi KE,

per 30. 25.
& 26. dat.

per 4. dat.

per cor. 41.
dat.

per 1. dat.

per cor. 43.
dat.

per 4. dat.

per 40. dat.


per. cor.
ejusd.

per 4. dat.

per cor. 40.
dat.


per 3. dat.

per 27. dat.



quæ producatur ad F. Quoniam igitur in triangulo AFL dati sunt anguli AFL, ALF, dataque magnitudine AL, utpote quæ componitur ex BL & AB magnitudine datis; ideo data est magnitudine utraque AF, FL. Atqui FL data est etiam positione; daturaque unum ejus extremum L. Igitur & alterum extremum F est datum. Porro cum in triangulo AFL, ut AL ad AB, ita
 per 1. dat. se habeat FL ad VB, dataque sit ratio ipsius AL ad AB; quippe utraque magnitudine data; ideo data erit etiam ratio ipsius FL ad VB. Data est autem magnitudine FL. Data est igitur magnitudine etiam BV; ideoque eidem æqualis FH. Atqui FH data est etiam positione; datumque unum ejus extremum F. Igitur & alterum extremum H est datum.

Adverte nunc animum ad secundam figuram. Quoniam AM magnitudine data est, datus utique erit magnitudine circulus ADB. Itaque si a centro M in circulo ADB ducatur ipsi AB ad rectos angulos recta MD, erit quadrans BD magnitudine datus. Secetur quadrans BD in aquas quot libuerit partes, puta in duas, quarum una sit DG; eritque DG




per 16. dat. data magnitudine. Ducatur autem a puncto G ipsi AB positione
 per 30. & datæ perpendicularis recta GQ. Erunt utique GQ, BQ magnitudi-
 26. dat. dine

dine datæ. Eadem ratione datæ erunt magnitudine DM, MQ.
 Ducatur a puncto Q ad FL QS ipsi AF parallela. Et quoniam
 ut LB ad BQ, ita se habet LH ad HS, ratioque data est, quam
 habet LB ad BQ, data erit & ratio, quam LH habet ad HS. per 1. dat.
 Data est autem magnitudine LH, quando data est utraque LF, per 4. dat.
 FH. Data est igitur magnitudine HS. Atqui data eadem est etiam per 2. dat.
 positione, datumque unum ejus extremum H. Igitur & alterum
 extremum S est datum. Quoniam vero ut LF ad LH, ita se per 27. dat.
 habet AF ad BH, ratioque data est, quam habet LF ad LH, per 1. dat.
 data erit & ratio, quam AF habet ad BH. Data est autem ma- per 2. dat.
 gnitudine AF. Data est igitur magnitudine BH. Eodem modo
 demonstrabitur magnitudine datam esse & ipsam QS. Ducatur
 modo a puncto S in subjecto plano ipsi GQ æqualis, ipsique FL
 ad rectos angulos recta SR. Datum utique erit punctum R. Et per 27. dat.
 quoniam MO plano ADB est ad rectos angulos, & quod per
 ipsam agitur planum AFL eidem plano ad rectos angulos erit.
 Igitur GQ ad rectos angulos est plano AFL. Eadem ratione etiam
 SR ad rectos est angulos eidem plano; ac propterea GQ, RS
 sunt parallelæ. Sunt autem etiam æquales. Si igitur intelligatur
 juncta esse recta GR, ea erit ipsi QS parallela & æqualis. At
 vero QS subjecto plano ad rectos est angulos eademque magnitu-
 dine data. Igitur etiam GR ad rectos angulos est eidem plano,
 eademque data magnitudine. Quod si a puncto D recta ducta
 esse intelligatur, cujusmodi est GR, eodem modo demonstrabitur,
 punctum, in quod inciderit, datum esse, rectamque ipsam tum
 subjecto plano esse ad rectos angulos, tum magnitudine datam.

Denique animum adverte ad figuram tertiam. Agatur per pun-

ctum G , rectamque MO planum sectionem faciens in sphaera circulum, cujus quidem circumferentia OZG æqualis similisque est ipsi AO ; deinde vero secta AO in æquas quot libet partes veluti in duas AP , PO , per punctum P agatur item planum plano ADB parallelum, quod in sphaera quidem sectionem faciat circulum, cujus est quadrans NZT , in plano



vero AFL rectam PT . Quoniam igitur per datum punctum P
 per 23. dat. ducta est PT positione datæ AL parallela, erit PT positione data.
 At vero datus est positione etiam circulus AEB . Igitur punctum
 per 25. dat. T , in quo PT , AEB sese invicem secant, datum est. Da-
 per 26. dat. tum est autem & punctum P . Igitur PT magnitudine est data.
 per 4. dat. Eadem ratione PT , ideoque etiam IT magnitudine est data.


Quoniam igitur positione & magnitudine datæ sunt PT , IT datusque item ad punctum T angulus PTF , utpote qui angulo ALF est æqualis, demonstrabitur, ut in secunda figura, puncta, in quæ incidunt rectæ, quæ a punctis T , Z , N subjecto plano perpendiculares ducuntur, data esse, rectasque item ipsas esse magnitudine datas. Quod si a puncto O ducta esse intelligatur recta circulum AEB contingens ipsique FF occurrens, ea utique data erit magnitudine, datumque item punctum, in quo occurrat. Ex quo sequitur datam esse magnitudine rectam, quæ a puncto O ducitur subjecto plano perpendicularis. Itaque si rectæ jungantur BG , GD , TZ , ZN , itemque BT , TO , GZ , ZO , DN , NO : & quæ in quarta segmenti $ADBAO$ parte facta sunt, eadem facta esse intelligantur in tribus reliquis, orietur utique figura ei, quod diximus, segmento inscripta ex trapetiis octo composita, toridemque triangulis inter se invicem æqualibus. Cujus figuræ vestigium erit datum, una cum angulorum altitudinibus.

Data igitur sphaera positione & magnitudine; & quæ sequuntur. Quod oportebat facere.



PROPOSITIO XIX.

Data positione & magnitudine sphæra ultra planum ad subjectum planum utcumque se habens, siue illud perpendiculare fuerit, siue inclinatum, siue parallelum positione datum, datoque citra idem puncto aliquo, sphærae scenographiam tum concurrentem conficere, tum concurrentem procumbentemque, tum concurrentem horizontalem.

Data sit sphæra, cujus centrum C , semidiameter CE , ultra planum aliquod utcumque se habens ad planum QK , quod ea



contingit in puncto E , siue illud perpendiculare sit, ut LR , siue inclinatum, ut VS , siue parallelum, ut YX , distans a QK intervallo Z ; datumque sit citra huiusmodi planum punctum I . Oportet conficere sphærae, quam diximus, scenographiam tum concurrentem, tum concurrentem procumbentemque, tum concurrentem horizontalem.



Sit $ADBAO$ sphaerae segmentum, cujus basis est circulus $ADBA$,
ad quem rectae omnes pertingunt sphaeram a puncto I contingentes.

res, cujusmodi sunt AI, BI; vertex punctum O. Inscribatur autem segmento ADBAO figura ADBAPNTPO, invenianturque per sup. ejus vestigium, atque angulorum altitudines; deinde vero figuræ prop. ADBAPNTPO scenographiæ, in suo quæque plano, conficiantur, eæque sint in plano quidem LR, scenographia concurrens FHMSFG; in plano vero VS, scenographia concurrens procumbensque FHMLFG; denique in plano YX, scenographia concurrens horizontalis FHMRFG. Hoc autem quomodo fiat suo loco demonstratum est. Erunt utique eadem hæ, per petitionem superiori Propositioni præmissam, scenographiæ tum concurrens, tum concurrens procumbensque, tum concurrens horizontalis segmenti ADBAO, sive sphæræ; cujus centrum C, semidiameter CE.

Data igitur positione & magnitudine sphæra; & quæ sequuntur. Quod oportebat facere.


DEFINITIO.

Si fuerit sphæra; dataque sit positione & magnitudine ultra concavam ejus superficiem figura aliqua solida; ducanturque ab ejus angulis ad sphæræ centrum rectæ lineæ; quæ oritur delineatio e communibus sectionibus sphæræ ac triangulorum, quorum unumquodque basim habet unum figuræ latus, verticem id quod diximus centrum, figuræ ejusdem SPHÆRICA ORTHOGRAPHIA vocetur.

PROPOSITIO XX.

Data positione & magnitudine ultra concavam sphæræ superficiem pyramide triangularem basim habente, ejusdem sphæricam orthographiam conficere.

Data sit positione & magnitudine ultra concavam superficiem sphæræ, cujus centrum L, diameter KP, pyramis ABCD, cujus sit basis triangulum ABC, vertex D. Oportet conficere sphæricam orthographiam pyramidis ABCD.




Sit primo basis ABC in subiecto plano. Inveniantur vestigia
 per 1. prop. pyramidis $ABCD$, & altitudo anguli D ; idest puncta $A, B, C,$
 E , rectaque DE . Ducatur autem a puncto L subiecto plano
 perpendicularis recta LQ ; deinde vero per LQ , punctumque A
 agatur planum sectionem faciens in sphæra circulum FKP , atque
 in subiecto plano rectam AQ ; junctaque AL , per punctum F
 ducatur FO parallela ipsi AQ . Quoniam igitur triangulum ALQ
 per 30. 25. angulum habet LQA datum, datasque circa illum magnitudine LQ ,
 & 26. dat. QA , erit utique data magnitudine etiam AL . Data est autem magni-
 per cor. 41. tudine etiam LF , utpote quæ sphæræ semidiametro est æqualis.
 dat.
 per 1. dat. Igitur ratio data est, quam AL habet ad LF . At vero ut AL
 ad LF , ita se habet QL ad LO . Igitur data est etiam ratio,
 quam QL habet ad LO . Data est autem magnitudine QL . Data
 per 2. dat. est igitur magnitudine etiam LO . Atqui data eadem est & posi-
 per 28. dat. tionem, datumque unum. ejus extremum L . Igitur & alterum O
 per 27. dat. est datum. Quoniam vero ut AL ad LF , ita se habet AQ ad
 FO , eadem ratione data erit magnitudinis ipsa FO . Atqui data


eadem est & positione, datumque unum ejus extremum O. Igitur per 28. datur & alterum F est datum. Iisdem confectis, ad puncta quod per 27. datur attinet B, C, eodem modo demonstrabitur puncta G, H data esse. Agatur modo per rectas LQ, DE planum sectionem faciens in sphaera circulum PKI, atque in subjecto plano rectam QE; junctaque DL, ducantur a punctis D, I rectae DN, IM parallelae ipsi QE. Et quoniam utraque LQ, DE magnitudine data est, erit utique data magnitudine etiam LN. Data est autem per 4. datur magnitudine etiam DN, utpote quae ipsi QE est aequalis; daturque angulus DNL. Igitur ipsa etiam DL magnitudine est data. Quoniam igitur ut DL ad LI, ita se habet tum LN ad LM, tum DN ad IM, demonstrabitur, ut supra, punctum I datum esse. Itaque per data duo puncta F & G; G & H; H & F; F & I; G & I; H & I describantur circuli maximi. Erunt utique circumferentiae FG, GH, HF; itemque FI, GI, HI communes sectiones sphaerae ac triangulorum LAB, LBC, LAC, LAD, LBD, LCD. Ac pyramidis ABCD latus AB est basis trianguli LAB; latus BC basis trianguli LBC; latus AC basis trianguli LAC; latus AD basis trianguli LAD; latus BD basis trianguli LBD; latus CD basis trianguli LCD. Quae autem oritur delineatio ex hujusmodi sectionibus, figurae sphaerica orthographia vocatur. Igitur delineatio FGHI sphaerica orthographia est pyramidis ABCD.

per cor. 4.
dat.

per 20. l. 1.
sphaeric.



At vero basis ABC latus BC sit in subiecto plano. Inveniantur vestigium pyramidis $ABCD$, & altitudines angulorum D , A ; idest puncta B , C , E , R , rectæque DE , AR ; describaturque figura. Eodem, quo supra, modo demonstrabitur delineationem $FGHI$ esse sphericam orthographiam pyramidis $ABCD$.



Sit denique pyramidis $ABCD$ angulus B in subjecto plano. Inveniantur vestigium pyramidis $ABCD$, & altitudines angulorum D, A, C ; idest puncta B, E, R, S , rectæque DE, AR, CS ; describaturque figura. Eodem, quo supra, modo demonstrabitur delineationem $FGHI$ esse sphæricam orthographiam pyramidis $ABCD$.

Data igitur positione & magnitudine; & quæ sequuntur. Quod oportebat facere.

PROPOSITIO XXI.

Si in prima figura superioris Propositionis sumatur in AQ recta QX æqualis ipsi OF ; quæ recta ducitur a puncto X subjecto plano ad rectos angulos, ea per punctum F transibit. Item si in EQ sumatur recta QY ipsi IM æqualis; quæ recta a puncto Y subjecto plano ad rectos angulos ducitur, ea transibit per punctum I .

vicem parallelæ; parallela est autem DN ipsi QY. Igitur YZNQ est parallelogrammum, ideoque ZN æqualis ipsi QY. Et quoniam in triangulo DNL recta ZV parallela est ipsi NL, ut DZ ad ZN, ita se habebit DV ad VL. Et componendo, ut DN ad NZ, ita se habebit DL ad LV; æqualis est autem NZ ipsi IM, quippe utraque æqualis est ipsi QY. Igitur ut DN ad IM, ita se habet DL ad LV. Ut autem DN ad IM, ita etiam se habet DL ad LI. Igitur LV æqualis est ipsi LI, major minori; quod fieri non potest. Non igitur recta YV secat rectam DL in puncto V. Sed neque in alio quovis, præterquam in I. Igitur recta YV transit per punctum I. Quod erat alterum.

C O R O L L A R I U M.


Quoniam recta QX parallela est & æqualis ipsi FO, tum QY ipsi IM, erit utraque XF, YI æqualis altera quidem ipsi QO, altera vero ipsi QM utrique magnitudine datæ, utpote reliquæ, si ab LQ auferatur recta LO, itemque LM. Ex quo manifestum est puncta F, I delineationis FGHI aliter inveniri posse, atque illa in Propositione vicesima inventa sint.

D E F I N I T I O.

Si fuerit sphaera; dataque sit positio & magnitudine ultra concavam ejus superficiem figura aliqua solida; ducanturque ab ejus angulis ad punctum citra eandem superficiem datum, quod non sit sphaeræ centrum, rectæ lineæ; quæ oritur delineatio e communibus sectionibus sphaeræ, ac triangulorum, quorum unumquodque basim habet unum figuræ latus, verticem punctum datum, figuræ ejusdem SPHÆRICA SCENOGRAPHIA CONCURRENS vocetur.

dratumque, quod describitur ab FO, æquale rectangulo, quod continetur sub KO, OP; erit utique quadratum, quod describitur ab LF, æquale quadratis, quæ describuntur ab LR, RO, & duplo rectanguli, quod continetur sub LR, RO, & adhuc rectangulo, quod continetur sub KO, OP. At vero quadratum, quod describitur ab RO, una cum rectangulo, quod continetur sub KO, OP, æquale est quadrato, quod describitur a KR. Igitur quadratum, quod describitur ab LF, æquale est quadratis, quæ describuntur ab LR, KR, sive quadrato, quod describitur a KS, & duplo rectanguli, quod continetur sub LR, & RO. Quoniam igitur ut quadratum, quod ab LF describitur, ad quadratum, quod describitur ab FO, ita se habet quadratum, quod ab LA describitur, ad quadratum, quod describitur ab AQ; se habebit utique quadratum, quod describitur a KS, una cum duplo rectanguli, quod continetur sub LR, RO, ad rectangulum, quod continetur sub KO, OP, ut quadratum, quod ab LA describitur, ad quadratum, quod describitur ab AQ. Fiat modo ut KS ad duplam ipsius LR, ita RO ad K; & ut KS ad KO, ita OP ad L. Atque erit rectangulum, quod sub KS & K continetur, æquale rectangulo, quod continetur sub dupla ipsius LR, & RO; & rectangulum, quod sub KS & L continetur, æquale rectangulo, quod continetur sub KO, OP. Igitur quadratum, quod describitur a KS, una cum rectangulo, quod continetur sub KS & K, ad rectangulum, quod continetur sub KS & L, sive recta composita ex KS & K, ad L ita se habet, ut quadratum, quod ab LA describitur, ad quadratum, quod describitur ab AQ, sive ut LA ad H; nimirum si fiat ut LA ad AQ, ita AQ ad H. Et permutando, ut recta composita ex KS & K ad LA, ita se habet L ad H, aut sumpta KS communi altitudine, rectangulum, quod sub KS & L continetur, ad rectangulum, quod continetur sub KS & H. Fiat modo ut LA ad KS, ita L ad M, tum H ad N. Atque erit rectangulum, quod sub LA & M continetur, æquale rectangulo, quod continetur sub KS & L; & rectangulum, quod sub LA & N continetur, æquale rectangulo, quod continetur sub KS & H. Igitur ut æ-


P continetur, æquale rectangulo, quod continetur sub dupla ipsius LR & H. Quoniam vero ut KS ad duplam ipsius LR, ita se habet RO ad K; utque LA ad KS, ita H ad N; se habebit utique rectangulum, quod sub LA & KS continetur, ad rectangulum, quod continetur sub dupla ipsius LR & KS, sive LA ad duplam ipsius LR, ut rectangulum, quod sub RO & H continetur, ad rectangulum, quod continetur sub K & N. Ut autem LA ad duplam ipsius LR, ita se habet, sumpta H communi altitudine, rectangulum, quod sub LA & H continetur, ad rectangulum, quod continetur sub dupla ipsius LR & H; sive rectangulum eidem æquale, quod continetur sub LA & P. Igitur rectangulum, quod sub LA & H continetur, ad rectangulum, quod continetur sub LA & P, sive H ad P, ita se habet, ut rectangulum, quod sub H & RO continetur, ad rectangulum, quod continetur sub K & N. Ut autem H ad P, ita se habet, sumpta RO communi altitudine, rectangulum, quod sub H & RO continetur, ad rectangulum, quod continetur sub P & RO. Igitur rectangulum, quod sub H & RO continetur, ad rectangulum, quod continetur sub P & RO, ita se habet ut rectangulum, quod sub H & RO continetur, ad rectangulum, quod continetur sub K & N; ac propterea rectangulum, quod continetur sub P & RO, æquale est rectangulo, quod continetur sub K & N. Quoniam igitur demonstratum est rectangulum, quod continetur sub KS & N, una cum rectangulo, quod continetur sub K & N, & quadrato, quod describitur ab RO, æquale esse quadrato, quod describitur a KR; erit utique rectangulum, quod continetur sub KS & N, una cum rectangulo, quod continetur sub P & RO, & quadrato, quod describitur ab RO, æquale quadrato, quod describitur a KR. Itaque fiat ut KS ad V, ita V ad N; deinde sumpta in RP RX ipsi V æquali, auferatur ab altera quidem parte rectangulum, quod continetur sub KS & N, ab altera vero quadratum, quod describitur ab RX. Hoc enim fieri potest, quando quadratum, quod describitur a KR, major est rectangulo, quod continetur sub KS & N, ut infra demonstrabitur. Atque erit rectangulum, quod continetur sub P & RO,



& RO, una cum quadrato, quod describitur ab RO, æquale excessui, quo quadratum, quod describitur ab RP, excedit quadratum, quod describitur ab RX. At vero rectangulum, quod continetur sub P & RO, una cum quadrato, quod describitur ab RO, æquale est rectangulo, quod continetur sub recta composita ex P & RO, ipsaque RO; atque excessus, quo quadratum, quod describitur ab RP, excedit quadratum, quod describitur ab RX, æqualis rectangulo, quod continetur sub KX & XP. Igitur rectangulum, quod continetur sub recta composita ex P & RO, ipsaque RO, æquale est rectangulo, quod continetur sub KX & XP. Quoniam igitur duæ rectæ, composita ex P & RO, ipsaque RO, datum spatium comprehendunt; nempe rectangulum, quod continetur sub KX & XP; earumque altera altera major est data P; & ipsarum utraque data erit. Data est autem LR. Igitur LO magnitudine est data. Cadat denique AL supra punctum

per. 1. 2.
 & 4. dat.
 per 1. & 2.
 dat.
 per 34. dat.
 per 3. dat.

T, puta in F; ducaturque per F FO parallela ipsi AQ; deinde vero sumpta in TR producta RS ipsi LR æquali, jungatur KS. Quoniam igitur quadrata, quæ describuntur ab LR & RO, æqualia sunt duplo rectanguli, quod continetur sub LR & RO, una cum quadrato, quod describitur ab LO; & rectangulum, quod continetur sub KO & OP, æquale est quadrato, quod describitur ab FO; erit utique quadratum, quod describitur a KS, æquale duplo rectanguli, quod continetur sub LR & RO, una cum quadrato, quod describitur ab LF. Et ablato ab utraque parte duplo hujus, quod diximus, rectanguli, erit excessus, quo quadratum, quod describitur a KS, excedit duplum rectanguli, quod continetur sub LR & RO, æqualis quadrato, quod describitur ab LF. Quoniam igitur ut quadratum, quod ab FO describitur, ad quadratum, quod describitur ab LF, ita se habet quadratum, quod ab AQ describitur, ad quadratum, quod describitur ab LA; se habebit utique rectangulum, quod continetur sub KO & OP, ad excessum, quo quadratum, quod describitur a KS, excedit duplum rectanguli, quod continetur sub LR & RO, ut quadratum, quod ab AQ describitur, ad quadratum, quod describitur ab LA. Fiat modo ut KS ad duplam ipsius LR, ita RO ad K; & ut KS ad KO, ita OP ad L. Atque erit rectangulum, quod sub KS & K continetur, æquale rectangulo, quod continetur sub dupla ipsius LR & RO; & rectangulum, quod sub KS & L continetur, æquale rectangulo, quod continetur sub KO & OP. Igitur rectangulum, quod continetur sub KS & L, ad excessum, quo quadratum, quod a KS describitur, excedit rectangulum, quod continetur sub KS & K, sive L ad excessum, quo KS ipsam K excedit, ita se habet ut quadratum, quod ab AQ describitur, ad quadratum, quod describitur ab LA, sive ut H ad LA; nimirum si fiat ut LA ad AQ, ita AQ ad H. Et permutando, L ad H, aut sumpta KS communi altitudine, rectangulum, quod sub KS & L continetur, ad rectangulum, quod continetur sub KS & H, ita se habet ut excessus, quo KS ipsam K excedit, ad LA. Fiat modo ut LA ad KS, ita tum L ad M, tum H ad N. Atque erit rectangulum, quod sub LA & M continetur,




æquale rectangulo, quod continetur sub KS & L ; & rectangulum, quod sub LA & N continetur, æquale rectangulo, quod continetur sub KS & H . Igitur ut rectangulum, quod sub LA & M continetur, ad rectangulum, quod continetur sub LA & N , sive M ad N , ita se habet excessus, quo KS ipsam K excedit, ad LA ; ideoque rectangulum, quod sub LA & M continetur, æquale est excessui, quo rectangulum, quod sub KS & N continetur, excedit rectangulum, quod continetur sub K & N . Æquale est autem rectangulum, quod sub LA & M continetur, rectangulo, quod continetur sub KS & L , atque hoc ipsum rectangulo æquale, quod continetur sub KO & OP . Igitur rectangulum, quod continetur sub KO & OP , æquale est excessui, quo rectangulum, quod sub KS & N continetur, excedit rectangulum, quod continetur sub K & N . Addantur ab utraque parte quadratum, quod describitur ab RO , & rectangulum, quod continetur sub K & N . Erit utique rectangulum, quod continetur sub KO & OP , una cum quadrato, quod describitur ab RO ; hoc est quadratum, quod describitur a KR , una cum re-

& N, ut infra demonstrabitur. Atque erit excessus, quo rectan-
 gulum, quod continetur sub P & RO, excedit quadratum, quod
 describitur ab RO, æqualis excessui, quo rectangulum, quod con-
 tinetur sub KS & N, five quadratum, quod ab YR describitur,
 excedit quadratum, quod describitur a KR. At vero exenius,
 quo rectangulum, quod continetur sub P & RO, excedit qua-
 dratum, quod describitur ab RO, æqualis est rectangulo, quod
 continetur sub excessu, quo P ipsam RO excedit, & sub RO;
 & excessus, quo quadratum, quod ab YR describitur, excedit
 quadratum, quod describitur a KR, æqualis ~~rectangulo~~, quod con-
 tinetur sub YK & KX. Igitur rectangulum, quod continetur sub
 excessu, quo P ipsam RO excedit, & sub RO, æquale est re-
 ctangulo, quod continetur sub YK & KX. Quoniam igitur duæ
 rectæ; ea scilicet, quæ excessui est æqualis, quo P ipsam RO
 excedit, ipsaque RO; datum spatium comprehendunt, nempe re-
 ctangulum, quod continetur sub YK & KX, earumque simul
 utraque est data P; & ipsarum unaquæque data erit. Data est au-
 tem LR. Igitur LO magnitudine est data. Quoniam igitur in figu-
 ra prima data est ratio, quam LQ habet ad LR; & ut LQ ad
 LR, ita se habet AQ ad RT; data utique erit & ratio, quam
 habet AQ ad RT. Data est autem magnitudine AQ. Data est
 igitur magnitudine etiam RT. Atqui data eadem est & positio-
 ne, datumque unum ejus extremum R. Igitur & alterum T est
 datum. Haud secus in figura secunda ac tertia de puncto F ar-
 gumentabimur. Porro iisdem confectis, ad puncta quod attinet B,

per 1. 2. 4.
 & 3. dat.
 per 1. & 2.
 dat.
 per 35. dat.
 per 4. dat.


per 2. dat.
 per 28. dat.
 per 27. dat.




C, eodem modo demonstrabitur puncta G, H data esse. Agatur modo per rectas LQ, DE planum sectionem faciens in sphaera circulum IKP, atque in subiecto plano rectam QE; ducaturque a puncto D ipsi EQ parallela recta DN: eritque DN magnitudine data, utpote quæ ipsi QE est æqualis. Et quoniam utraque LQ, DE magnitudine data est, erit utique data magnitudine etiam LN. Ducatur a centro R ad circuli IKP circumferentiam recta RZ parallela ipsi EQ. Sane rectangulum, quod sub LN ac ZR continetur, rectangulo erit æquale, quod continetur sub RL & DN, sive eodem majus, minusve. Itaque recta jungatur DL: & si quidem æquale fuerit, ea per punctum Z transibit; sin autem majus, cadet infra ipsum; si denique minus, cadet supra. Horum trium quodcumque accadat, ducta a puncto, cujusmodi est I, recta IM ipsi EQ parallela, demonstrabitur, ut supra, rectam LM, quæ inter datum punctum L, ipsamque IM interjicitur, magnitudine datam esse. Data est autem magnitudine etiam LN. Igitur data est ratio, quam LN habet ad LM. Et quoniam ut

LN ad LM, ita se habet DN ad MI, demonstrabitur, ut supra, punctum I datum esse. Itaque per data duo puncta F & G; G & H; H & F; F & I; G & I; H & I circuli in sphaeræ superficie describantur, ita ut id planum, in quo unusquisque est, per punctum L transeat. Hoc autem qui fieri possit infra demonstrabitur. Erunt utique circumferentiæ FG, GH, HF, itemque FI, GI, HI communes sectiones sphaeræ, ac triangulorum LAB, LBC, LAC, LAD, LBD, LCD. Ac pyramidis ABCD latus AB est basis trianguli LAB; latus BC basis trianguli LBC; latus AC basis trianguli LAC; latus AD basis trianguli LAD; latus BD basis trianguli LBD; latus CD basis trianguli LCD. Quæ autem oritur delineatio ex hujusmodi sectionibus, figuræ sphaerica scenographia concurrens vocatur. Igitur delineatio FGHI scenographia sphaerica concurrens est pyramidis ABCD.

At vero basis ABC latus BC sit in subiecto plano. Invenian-




tur vestigium pyramidis ABCD, & altitudines angulorum D, A; idest puncta B, C, E, X, rectæque DE, AX; describaturque



Quod si recta linea subiecto plano perpendicularis non incidat in centrum R, ut LZ, agatur per LZ, punctumque A planum sectionem faciens in sphæra circulum FKP, atque in subiecto plano rectam AZ; quod quidem planum siue transibit per sphære centrum R, siue non transibit. Transeat primo per sphære centrum R: ductaque per R recta KQ ipsi LZ parallela, jungatur AL. Et quoniam datæ sunt magnitudine rectæ AZ, AQ, LZ; & ut AZ ad AQ, ita se habet LZ ad VQ; data utique erit magnitudine etiam VQ. Atqui data eadem est & positione, datumque unum ejus extremum Q. Igitur & alterum V est datum. At vero id, quod diximus, planum per sphære centrum R non transeat. Ducatur ab R circulo FKP perpendicularis recta RT: eritque RT magnitudine data, datumque punctum T, circuli scilicet

per 30. &
25. dat.
per 1. &
2. dat.

per 30. &
25. dat.



per cor. 2. cet FKP centrum. Itaque ducatur per T recta KQ ipsi LZ pa-
 prepos. 1. rallela; jungaturque RK. Et quoniam trianguli rectanguli TKR
 sphær. l. 1. latera, quæ sunt circa unum acutorum angulorum, nempe KRT,
 per cor. 43. magnitudine sunt data, triangulum TKR specie ac magnitudine
 dat. datum est; ideoque KT magnitudine est data. Jungatur LA: ac
 demonstrabitur, ut supra, punctum V datum esse. Quoniam igitur
 acto per LZ & punctum A plano, sive illud per sphæræ
 centrum R transeat, sive non transeat, id punctum, in quo jun-
 cta LA circuli FKP diametrum secat, datum est; constat de-
 monstrationem eodem prorsus modo, ac supra, confici posse.

Data igitur positione & magnitudine; & quæ sequuntur. Quod
 oportebat facere.

COROLLARIUM.


Illud vero manifestum est, quod de sphærica ortho-
 graphia pyramidis ABCD in Propositione prima & vi-

cesima demonstratum est, idem de sphærica scenographia concurrente posse demonstrari.


LEMMA I.

At vero quadratum, quod describitur a KR , majorem esse in secunda figura rectangulo, quod continetur sub KS & N , & minorem in tertia, demonstrabimus hoc pacto.

Quoniam, in secunda figura, LO ad FO majorem habet rationem, quam LR ad TR five ad KR; habebit utique etiam qua-




dratum, quod ab LO describitur, ad quadratum, quod describitur ab FO, majorem rationem, quam quadratum, quod ab LR describitur, ad quadratum, quod describitur a KR. Et componendo, quadrata, quæ describuntur ab LO & FO, ad quadratum, quod describitur ab FO, majorem rationem habent, quam qua-



drata, quæ describuntur ab LR & KR, ad quadratum, quod describitur a KR. At vero quadrata, quæ describuntur ab LO & FO, æqualia sunt quadrato, quod describitur ab LF; & quadrata, quæ describuntur ab LR & KR, quadrato æqualia, quod describitur a KS. Igitur quadratum, quod ab LF describitur, ad quadratum, quod describitur ab FO, majorem rationem habet, quam quadratum, quod a KS describitur, ad quadratum, quod describitur a KR. At vero quadratum, quod ab LF describitur, ad quadratum, quod describitur ab FO, ita se habet, ut quadratum, quod ab LA describitur, ad quadratum, quod describitur ab AQ; hoc est, sumpta KR communi altitudine, ut rectangulum, quod sub KR, LA continetur, ad rectangulum, quod continetur sub KR & H. Igitur rectangulum, quod sub KR & LA continetur, ad rectangulum, quod continetur sub KR & H, majorem rationem habet, quam quadratum, quod a KS describitur, ad quadratum, quod describitur a KR. Et permutando, rectangulum, quod sub KR & LA continetur, ad quadratum, quod

a KS describitur, majorem rationem habet, quam rectangulum, quod continetur sub KR & H, ad quadratum, quod describitur a KR, hoc est quam H ad KR. At vero rectangulum, quod sub KR & LA continetur, ad quadratum, quod a KS describitur, rationem habet, quæ ex ratione componitur, quam habet tum LA ad KS, tum KR ad KS; & H ad KR habet rationem, quæ componitur ex ratione, quam habet tum H ad N, tum N ad KR. Quæ igitur ratio ex ratione componitur, quam habet tum LA ad KS, tum KR ad KS, hæc major est quam ratio, quæ componitur ex ratione, quam habet tum H ad N, tum N ad KR. Ut autem LA ad KS, ita se habet H ad N. Igitur KR ad KS majorem rationem habet, quam N ad KR: ac propterea quadratum, quod describitur a KR, majus est rectangulo, quod continetur sub KS & N. Quod erat primum. Quoniam vero,



In tertia figura, LO ad FO minorem habet rationem, quam LR ad TR sive ad KR, demonstrabitur, ut supra, KR ad KS minorem rationem habere, quam N ad KR; ac propterea quadratum,


quod describitur a KR , minorem esse rectangulo, quod continetur sub KS & N . Quod erat alterum. .

LEMMA II.

Per data duo puncta, quæ in sphaerica superficie sunt, circulum describere, ita ut id, in quo ipse est, planum per datum punctum transeat.

Sint data duo puncta A , B , quæ sunt in sphaerica superficie. Oportet circulum describere per puncta A , B , ita ut id planum, in quo ipse est, transeat per punctum datum. Hoc autem punctum aut erit intra sphaeram, aut extra.

Sit primo, intra sphaeram, cujuscmodi est G . Jungantur rectæ AB , AG ; productaque AG ad sphaericam superficiem, agatur per AF ; & sphaeræ centrum C planum sectionem faciens in sphaera circulum AFH , qui circulus erit positione datus. Et quoniam intra circulum AFH sumptum fuit datum punctum G , ductaque per G in AFH quædam recta AF ; datum uti-



per 93. dat. que erit rectangulum, quod sub AG , & GF continetur. Igitur
per 3. dat. tum AG , tum GF magnitudine data est; ideoque & quæ ex
utrisque componitur AP . Atqui data eadem est & positione, da-
per 27. dat. tumque unum ejus extremum A . Igitur & alterum F est da-
tum. At vero data est magnitudine etiam AB , datusque angulus
per cor. 41. BAF . Igitur si recta jungatur BF , triangulum ABF specie &
dat. magnitudine datum erit. Inveniatur centrum circuli, qui circa
triangulum ABF describitur, idque sit punctum D ; junctaque re-
per 26. dat. ctæ CD producat ad sphaericam superficiem. Erit utique CE

per. 7. & 8.
l. 1. sphær.

A geometric diagram of a sphere. Points are labeled as follows: A is on the left edge; B is near the top left; C is inside the sphere; D is near the center; E is at the top pole; F is on the right edge; G is outside the sphere to the right; H is at the bottom pole. Lines connect A to B, A to E, A to F, B to E, C to D, C to F, and D to E. A dashed line extends from G through F towards the center.

per cor. 41.
dat.

Igitur per data duo puncta; & quæ sequuntur. Quod oportebat facere.

COROLLARIUM.

Quoniam omnis figura solida a superficiebus comprehenditur, omnisque superficies a lineis; demonstratumque est quomodo figuræ solidæ delineatio cujusque modi conficienda sit; illud constat, idem fuisse demonstratum etiam de superficie, & linea.

FINIS
LIBRI PRIMII.

ELEMENTORUM

PROSPECTIVÆ

LIBER II

DEFINITIONES.

SI data fuerit in sublimi positione & magnitudine figura aliqua solida: ducanturque ab ejus angulis ad subiectum planum rectæ lineæ rectæ cuidam positione datæ parallelæ, ex quibus angulis ita duci possunt, ut totæ extra solidam figuram cadant; quæ figura ab iis planis, in quibus hæ parallelæ sunt, comprehenditur, solidæ figuræ, quam diximus, *UMBRA PARALLELA* vocetur.

Sectio autem ejusdem figuræ, quæ fit a subiecto plano, vocetur *UMBRE PARALLELÆ BASIS RECTA*.


Quod si umbra parallela plano per basim rectam sectetur, sectio umbræ parallelæ, quæ ab eo fit plano, una cum ea basis rectæ parte, quam idem planum solidam figuram versus abscindit, vocetur *UMBRE PARALLELÆ BASIS INFLEXA*.

PROPOSITIO I.

Data in sublimi positione & magnitudine pyramide triangularem basim habente, dataque positione recta quadam linea, ejusdem pyramidis umbræ parallelæ basim rectam invenire.

Data sit in sublimi positione & magnitudine pyramis $ABCD$, cujus basis triangulum ABC , vertex D ; dataque sit positione recta PR . Oportet invenire basim rectam umbræ parallelæ pyramidis $ABCD$.

Inveniantur vestigium pyramidis $ABCD$, & altitudines angularum A , B , C , D ; idest puncta F , H , G , E , rectæque AF , BH , CG , DE . Et si quidem recta PR fuerit subiecto plano perpendicularis, erunt utique rectæ AF , BH , CG , quæ totæ cadunt extra pyramidem $ABCD$, ipsi PR parallelæ. Itaque si a punctis F ad H , H ad G , G ad F rectæ jungantur, quæ oritur figura, erit basim recta, quam quærimus, umbræ parallelæ pyramidis




$ABCD$. Quod si PR fuerit ad subiectum planum inclinata, ducatur a puncto P eidem plano perpendicularis recta PQ ; junganturque QR . Erit utique angulus acutus QRP rectæ PR ad subiectum planum inclinatio, ideoque datus: dataque erunt positione & magnitudine TQ , QR . Itaque ducatur a puncto F recta FI parallela ipsi QR ; sumptaque in AF FO æquali ipsi PQ , & in FI FN æquali ipsi QR , jungantur rectæ QF , PO , RN , NO . Et quoniam PQ , FO æquales sunt ac parallelæ, ideo QF æqualis est ac parallela ipsi PO . Æqualis est autem ac parallela QF ipsi RN . Æqualis est igitur ac parallela etiam PO ipsi RN ; ac propterea ON parallela est ipsi PR . Itaque si a puncto A ducatur AI parallela ipsi ON , ea ipsi PR parallela erit. Quoniam vero OF , FN magnitudine datæ sunt, data utique erit ratio, quam OF habet ad FN . Ut autem OF ad FN , ita se habet AF ad FI . Igitur & ratio data est, quam AF habet ad FI . Da-

ta est autem magnitudine AF. Data est igitur magnitudine etiam per 2. dat. FI. Atqui data eadem est etiam positione, datumque unum ejus per 28. dat. extremum F. Igitur & alterum I est datum. Eodem modo si per 27. dat. rectæ ducantur HM, BM; GL, CL; EK, DK, demonstrabitur rectas BM, CL, DK ipsi PR parallelas esse, dataque puncta M, L, K. Atque erit figura ABCDKLMI planis comprehensa, in quibus sunt parallelæ AI, BM, CL, DK, quæ totæ cadunt extra pyramidem ABCD. Itaque si rectæ jungantur IM, ML, LK, KI, quæ oritur figura IMLK, erit sectio ejus figuræ, quam diximus, quæ fit a subiecto plano. Hujusmodi autem sectio vocatur basis recta umbræ parallelæ, & quidem pyramidis ABCD. Igitur figura IMLK basis recta est umbræ parallelæ pyramidis ABCD.

Data igitur in sublimi positione & magnitudine pyramide triangularem basim habente; & quæ sequuntur. Quod oportebat facere.

COROLLARIUM.

Si pyramis ABCD in sublimi non fuerit, erit utique in subiecto plano aut unus ejus angulus B, aut unum



latus BC, aut basis ABC. Si igitur primum, constat figuram IMLK mutari in IBLK; si alterum, in ICK; si tertium, in ACK; quemadmodum in tribus figuris apparet, quæ hic ordine appositæ sunt.

DEFINITIONES.

Si data fuerit in sublimi positione & magnitudine figura aliqua solida: ducanturque a puncto dato per ejus angulos ad subjectum planum rectæ lineæ, per quos angulos ita duci possunt, ut totæ extra solidam figuram cadant; quæ figura ab iis triangulis comprehenditur, quorum sunt latera hæ, quas diximus, rectæ, vertex punctum datum, solidæ figuræ, quam diximus, UMBRA RECEDENS vocetur.

Sectio autem ejusdem figuræ, quæ fit a subjecto plano, vocetur UMBRÆ RECEDENTIS BASIS RECTA.

Quod si umbra recedens plano per basim rectam sectetur, sectio umbræ recedentis, quæ ab eo fit plano, una cum ea basis rectæ parte, quam idem planum solidam figuram versus abscindit, vocetur UMBRÆ RECEDENTIS BASIS INFLEXA.

PROPOSITIO II.


Data in sublimi positione & magnitudine pyramide triangularem basim habente, datoque puncto, ejusdem pyramidis umbræ recedentis basim rectam invenire.

Data sit in sublimi positione & magnitudine pyramis ABCD, cujus basis triangulum ABC, vertex D; datumque sit punctum Π. Oportet invenire basim rectam umbræ recedentis pyramidis ABCD.

Inveniantur vestigium pyramidis ABCD, & altitudines angulorum A, B, C, D; idest puncta F, H, G, E, rectæque AF, BH, CG, DE. Ducatur autem a puncto Π subjecto plano perpendicularis recta ΠΣ. Erit utique ΠΣ ipsi AF parallela, eadem-

per 1. prop.
lib. I.

que data positione & magnitudine, datumque item punctum Σ . Jungantur rectæ ΠA , ΣF . Et quoniam anguli $\Sigma \Pi A$, $\Pi \Sigma F$ duobus rectis minores sunt, ideo ΠA , ΣF si producantur, convenient invicem ad partes A , F . Itaque producantur, convenientque in puncto I ; & ducatur per A ipsi ΣF parallela recta AO . Quoniam igitur $\Pi \Sigma$, AF magnitudine datæ sunt, data utique erit magnitudine etiam



per 30. 25.
& 26. dat.

ΠO . Data autem magnitudine

per 4. dat.

est etiam ΣF , sive eidem æqualis AO . Igitur ratio data est, quam habet ΠO ad AO . Ut autem ΠO ad AO , ita se habet

per 26. dat.

AF ad FI . Igitur data est ratio, quam AF habet ad FI . Data est autem magnitudine AF . Data est igitur magnitudine etiam FI .

per 1. dat.

Atqui data eadem est etiam positione, datumque unum ejus extremum F . Igitur & alterum I est datum. Eodem modo si re-

per 2. dat

ctæ ducantur HM , BM ; GL , CL ; EK , DK , demonstrabitur puncta M , L , K data esse. Atque erit figura $IMLK\Pi$ triangulis

per 27. dat.

comprehensa ΠPM , $M\Pi L$, $L\Pi K$, $K\Pi I$, quorum sunt latera rectæ ΠI , ΠM , ΠL , ΠK , quæ totæ cadunt extra pyramidem

$ABCD$, vertex datum punctum Π . Itaque si rectæ jungantur IM , ML , LK , KI , quæ oritur figura $IMLK$, erit sectio ejus


figuræ, quam diximus, quæ fit a subiecto plano. Hujusmodi autem sectio vocatur basis recta umbræ recedentis, & quidem py-

ramidis $ABCD$. Igitur figura $IMLK$ basis recta est umbræ recedentis pyramidis $ABCD$.

Data igitur in sublimi positione & magnitudine pyramide triangularem basim habente, datoque puncto; & quæ sequuntur. Quod oportebat facere.

COROLLARIUM.

Si pyramis ABCD in sublimi non fuerit, quod de



umbræ parallelæ basi in Corollario superioris Propositionis collegimus, idem de basi umbræ recedentis colligetur, ut in appositis hic ordine tribus figuris.

PROPOSITIO III.

Si pyramidis triangularem basim habentis, datæque positione & magnitudine umbra plano aliquo per ejus basim rectam fecetur, sive ea parallela fuerit, sive recedens, umbræ, quam diximus, planique secantis sectionem invenire.



Sit ABCDKLMI umbra parallela pyramidis ABCD, cujus basis triangulum ABC, vertex D: eaque secetur per basim rectam IMLK plano GPH; sitque GPH sectio umbræ parallelæ ABCDKLMI, & plani GPH. Oportet invenire sectionem GPH.

Ducatur a puncto D recta DE subiecto plano perpendi-
ularis; agaturque per DE, &
punctum K planum DEK fe-
ctionem faciens in subiecto pla-
no rectam EK. Itaque planum
GPH aut erit rectum ad sub-
iectum planum, aut ad idem
inclinatum. Sit primo rectum.

Et quoniam duo plana DEK,
GPH se se invicem secantia

subjecto plano ad rectos angulos sunt, etiam communis eorum sectio FP subjecto plano ad rectos angulos erit. At vero ED eodem plano est ad rectos angulos. Igitur ED, FP sunt parallelæ. Et quoniam ut EK ad KF, ita se habet ED ad FP, ratioque data est, quam habet EK ad KF; ideo data erit & ratio, quam per 1. dat. ED habet ad FP. Data est autem magnitudine ED. Data est igitur magnitudine etiam FP. Atqui data eadem est & positione, per 2. dat. datumque unum ejus extremum F. Igitur & alterum P est da- per 17. dat. tum. Jungantur rectæ GP, HP: eritque GPH sectio, quam quaerimus. At vero planum GPH inclinatum sit ad planum sub-

jectum; communisque horum planorum sectio GH angulos faciat cum EK æquales. Erit utique angulus EFP eorumdem planorum inclinatio; ideoque datus tum ipse, tum qui deinceps ponitur PFK. Datus est autem etiam angulus FKP, dataque magnitudine FK. Igitur FP magnitudine data est. Ducatur a puncto P ipsi EK



per cor. 40.
dat.

perpendicularis recta PQ: eademque ratione data erit magnitudi-
ne FQ, ideoque etiam KQ. Atqui data eadem est etiam positio- per 3. dat.
ne, datumque unum ejus extremum K. Igitur & alterum Q per 27.dat.

COROLLARIUM.

Quoniam figura IMLGHP est basis inflexa umbræ parallelæ pyramidis ABCD, illud constat inventa sectione GPH, eam quoque, quam diximus, basim inventam esse.

PROPOSITIO IV.

Data positione & magnitudine basi recta, inflexæ umbræ sive parallelæ, sive recedentis pyramidis triangularem basim habentis, aut sphæræ positione & magnitudine datæ, conficere ejusdem basis orthographiam, cæterasque delineationes tum in plano, tum in sphærica eaque concava superficie.



Hoc autem quomodo fiat, Propositiones ostendunt secunda, & sequentes Libri I.

ALITER AD BASIM RECTAM QUOD ATTINET
UMBRAE TUM PARALLELÆ TUM RECEDENTIS.



PROPOSITIO V.

Data positione & magnitudine basi recta umbræ parallelæ pyramidis triangularem basim habentis, ejusdem basis rectæ scenographiam tum parallelam, tum parallelam procumbentemque conficere.

Data sit positione & magnitudine basis recta IBLK umbræ parallelæ ABCDELBI pyramidis ABCD, cujus basis ABC, vertex D. Oportet conficere scenographiam tum parallelam, tum parallelam procumbentemque basis rectæ IBLK.



Sit delineatio ENPO scenographia five parallela, five parallela procumbensque pyramidis ABCD: descriptaque sint diagrammata, quæ iis conficiendis, basiue rectæ IBLK inveniendæ necessaria sunt, ut in Propositionibus quarta & sexta libri I., & prima hujusce. Ac recta quidem FI five parallela erit ipsi VX, five cum eadem concurret. Sit primo parallela ipsi VX. Ducatur autem a puncto H eidem VX parallela recta HT; auferaturque ab HT ipsi FI æqualis HM; & jungatur IM. Et quoniam FI, HM parallelae utraque sunt ipsi VX, erunt utique parallelae etiam inter se invicem. Sunt autem eadem etiam æquales. Igitur IM ipsi FH est parallela. Quoniam vero HM æqualis est ipsi FI, erit utique HM magnitudine data. Atqui data eadem est etiam positione, datumque unum ejus extremum H. Igitur & alterum M per 26. dat.
est datum. Ducantur modo a punctis N, Q ipsi VX parallelae per 28. dat.
rectæ NS, QR, eademque fiant, quæ supra. Eodem modo demon- per 27. dat.
strabitur puncta S, R data esse; rectasque, quæ a punctis K, L ad S, R ducuntur, ipsi FH, ideoque etiam inter se invicem parallelas esse. At vero recta FI producta concurrat cum VX



in puncto T. Atque erit punctum T datum. Itaque jungatur re- per 23. dat.
cta HT, quæ, si oportuerit, producat; & fiat ut TF ad FI,
ita TH ad HM; ducaturque IM. Erit utique IM parallela ipsi
FH. Et quoniam ut TF ad FI, ita se habet TH ad HM, ratio-
que data est, quam TF habet ad FI, ideo data erit & ratio, per 1. dat.
quam TH habet ad HM. At vero TH magnitudine data est. per 26. dat.
Igitur data est magnitudine etiam HM. Atqui data eadem est et- per 2. dat.
iam positione, datumque unum ejus extremum H. Igitur & al- per 27. dat.
terum M est datum. Producantur modo BK, GL, quæ quidem
haud secus quam FI concurrent cum VX, eademque fiant, quæ
supra. Eodem modo demonstrabitur puncta S, R data esse; re-
ctasque, quæ a punctis K, L ad S, R ducuntur, ipsi FH, ideo-
que etiam inter se invicem parallelas esse. Itaque jungantur in
quatuor hisce figuris rectæ NM, MS, SR, RN: atque erit, per
definitiones Propositionum quartæ & sextæ libri I., quæ oritur
delineatio MNRS, scenographia sive parallela, sive parallela pro-
cumbensque basis rectæ IBLK.

Data igitur positione & magnitudine basi recta umbræ paralle-
le pyramidis triangularem basim habentis; & quæ sequuntur.
Quod oportebat facere.


COROLLARIUM.

Quoniam duo plana parallela IH, KN; FE, BO; IE,
KO secantur a plano YX, erunt utique parallele inter
se invicem communes ipsorum sectiones, nempe HM
ipsi NS, EH ipsi ON, EM ipsi OS; ideoque triangula
EMH, OSN similia erunt similiterque posita. Ex quo
manifestum est, invento puncto quolibet M delineatio-
nis MNRS, reliqua S, R, & si qua sunt alia, facillime
inventum iri.

PROPOSITIO VI.


Data positione & magnitudine basi recta umbræ parallelæ pyramidis triangularem basim habentis, ejusdem basis rectæ scenographiam concurrentem conficere.

Data sit positione & magnitudine basis recta IBLK umbræ parallelæ ABCDKLBI pyramidis ABCD, cujus basis ABC, vertex D. Oportet conficere scenographiam concurrentem basis rectæ IBLK.



Sit delineatio ENPO scenographia concurrens pyramidis ABCD; descriptaque sint diagrammata, quæ illi conficiendæ, basique rectæ IBLK inveniendæ necessaria sunt, ut in Propositionibus septima libri I., & prima hujusce. Ac recta quidem FI sive parallela erit ipsi VX, sive cum eadem concurret. Sit primo parallela ipsi VX; jungaturque recta IF plano YX occurrens in puncto M. Et quoniam duo plana parallela YX, AFI secantur a plano IFI, erunt utique communes ipsorum sectiones FI, HM inter se invicem parallelæ. Igitur FI ad IH ita se habet, ut FI ad HM.

Ut autem FG ad GH , ita se habet $T\Delta$ ad ΔH . Igitur $T\Delta$ ad ΔH ita se habet, ut FI ad HM . Data est autem ratio, quam per 1. dat. $T\Delta$ habet ad ΔH . Igitur data est & ratio, quam FI habet ad HM . At vero FI magnitudine data est. Igitur data est magnitudine per 26. dat. etiam HM . Atqui data eadem est etiam positione, datumque unum per 2. dat. ejus extremum H . Igitur & alterum M est datum. per 28. dat. Jungantur per 27. dat. modo rectæ KT , LI plano YX occurrentes in punctis S , R , eademque fiant, quæ supra. Eodem modo demonstrabitur puncta S , R data esse. At vero recta FI producta concurrat cum VX in




puncto T . Atque erit punctum T datum, datusque item angulus FTV . Agatur per rectam FT punctumque Γ planum $F\Gamma T$. Et quoniam duo plana parallela ΓZY , FTV secantur a plano $F\Gamma T$, erunt utique communes ipsorum sectiones $\Gamma\Delta$, FT inter se in-

sunt autem in plano puncta F, I , in eodem sunt etiam H, M . Igitur puncta Δ, H, M sunt in plano FTI . At vero eadem sunt etiam in plano YX . Puncta igitur Δ, H, M sunt in communi sectione planorum YX, FTI , ideoque in recta linea ΔM . Eadem ratione quoniam parallelæ sunt rectæ $\Gamma Z, AI$, punctaque E, M in eodem sunt plano atque A, I , demonstrabitur in recta linea ZM esse puncta Z, E, M . Quare punctum M cum sit in utraque recta $\Delta H, ZE$, erit in communi earundem sectione. Jam vero quoniam puncta Δ, H data sunt, erit recta ΔH positione data. Eadem ratione cum data sint puncta Z, E , data erit positione etiam ZE . Igitur punctum M est datum. Jungantur modo rectæ $K\Gamma, L\Gamma$ plano YX occurrentes in punctis S, R . Eodem modo demonstrabitur puncta S, R data esse. Itaque jungantur tam in prima quam in secunda figura rectæ NM, MS, SR, RN : atque erit, per definitionem Propositionis septimæ libri I., quæ oritur delineatio $MNRS$, scenographia concurrens basi rectæ $IBLK$.

Data igitur positione & magnitudine basi recta umbræ parallelæ pyramidis triangularem basim habentis; & quæ sequuntur. Quod oportebat facere.

COROLLARIUM.

Quoniam in prima figura hujusce Propositionis duo plana parallela YX , AFI secantur a planis TFA , rIF , rIA , erunt utique parallelæ inter se invicem commu-




nes ipforum sectiones, nempe EH ipsi AF ; HM ipsi FI ; ME ipsi IA ; ideoque triangulum EHM simile erit triangulo AFI . Eadem ratione similia erunt triangula ONS ipsi DBK , & PQR ipsi CGL . At vero triangula AFI , DBK , CGL similia inter se invicem sunt similiterque posita. Igitur similia sunt inter se invicem similiterque posita etiam triangula EHM , ONS , PQR . Ex quo illud manifestum est, invento puncto quolibet M delineationis $MNRS$, reliqua S , R , & siqua sunt alia, facillime inventum iri.


PROPOSITIO VII.

Data positione & magnitudine basi recta umbræ parallelæ pyramidis triangularem basim habentis, ejusdem basis rectæ scenographiam concurrentem procumbentemque conficere.

Data sit positione & magnitudine basis recta IBLK umbræ parallelæ ABCDKLBI pyramidis ABCD, cujus basis ABC, vertex D. Oportet conficere scenographiam concurrentem procumbentemque basis rectæ IBLK.




Sit delineatio ENPO scenographia concurrens procumbensque pyramidis ABCD: descriptaque sint diagrammata, quæ illi conficiendæ, basique rectæ IBLK inveniendæ necessaria sunt, ut in Propositionibus undecima libri I., & prima hujusce. Ac recta quidem FI sive parallela erit ipsi VX, sive cum eadem concurrerit. Sit primo parallela ipsi VX. Ducatur autem a puncto H ipsi VX parallela recta HM. Erit igitur eadem parallela ipsi etiam FI. Itaque si recta jungatur IΓ plano YX occurrens in puncto M, erit id punctum in HM. Producatuſ ΓΘ subſpecto plano per-




perpendicularis, quousque plano YX occurrat in puncto Λ ; ducaturque ΘX ad rectos angulos ipsi VX, jungaturque $X\Lambda$. Erit utique angulus $\Theta X\Lambda$ planorum YX, V Θ inclinatio, ideoque datus. At vero datus est etiam angulus $X\Theta\Lambda$, dataque magnitudine ΘX . Igitur triangulum $\Theta X\Lambda$ specie & magnitudine datum est; ideoque datæ sunt magnitudine $\Theta\Lambda$, $X\Lambda$. Atqui data est $X\Lambda$ etiam positione, datumque unum ejus extremum X. Igitur & alterum Λ est datum. Ducatur modo a puncto Λ ipsi VX parallela recta ΛZ , agaturque per rectam AI, punctumque Γ planum sectionem faciens in plano $\Gamma\Lambda Z$ rectam ΓZ . Erit utique ΓZ parallela ipsi AI. Parallela est autem etiam $\Gamma\Lambda$ ipsi AF. Igitur angulus $\Lambda\Gamma Z$ æqualis est angulo FAI, ideoque magnitudine datus. At vero datus est magnitudine etiam angulus $\Gamma\Lambda Z$, dataque magnitudine $\Gamma\Lambda$. Igitur triangulum $\Gamma\Lambda Z$ specie & magnitudine datum; ideoque data magnitudine ΛZ . Atqui data eadem est etiam positione, datumque unum ejus extremum Λ . Igitur & alterum Z est datum. Quoniam igitur parallelae sunt rectae $Z\Gamma$, AI, demonstrabitur, ut in superiore Propositione, punctum M esse in recta linea ZE. Est autem hoc idem etiam in HM; dataque est positione utraque HM, ZE. Punctum igitur M est datum. Quod si a punctis N, Q rectæ ducantur NS, QR ipsi VX

parallelæ, junganturque $K\Gamma$, $L\Gamma$ plano YX occurrentes in punctis S , R , eodem modo demonstrabitur puncta S , R data esse. At vero recta FI producta concurrat cum VX in puncto



T. Producatur AF quousque plano YX occurrat in puncto Π , jungaturque recta $T\Pi$. Demonstrabitur, ut in Propositione sexta libri I., rectam $T\Pi$ positione datam esse, datumque angulum $FT\Pi$. Itaque erit angulus FIA sive æqualis angulo $FT\Pi$, sive eidem inæqualis. Sit primo æqualis; ducaturque a puncto E recta EM parallela ipsi $T\Pi$, ideoque ipsi etiam AI . Si igitur recta jungatur IF plano YX occurrens in puncto M , erit id punctum in EM . Agatur modo per rectam FT , punctumque F planum sectionem faciens in plano IZY rectam $\Gamma\Delta$. Erit utique $\Gamma\Delta$ parallela ipsi FT , datumque punctum Δ . Hoc enim ita esse, in superiore Propositione demonstratum est. Itaque demonstrabitur, ut supra, punctum M esse in recta ΔH positione data. Est autem hoc idem etiam in EM data itidem positione. Punctum igitur M est datum. Quod si a punctis O , P rectæ ducantur OS , PR ipsi $T\Pi$ parallelæ, junganturque $K\Gamma$, $L\Gamma$ plano YX occurrentes in punctis S , R , eodem modo demonstrabitur, puncta S , R data esse. At vero angulus FIA sit inæqualis angulo $FT\Pi$, puta



eodem major. Agatur per rectam FT punctumque Γ planum sectionem faciens in plano ΓZY rectam $\Gamma\Delta$ ipsi FT parallelam. Deinde vero per $\Gamma\Delta$ & $\Gamma\Theta$ subjecto plano perpendicularem planum aliud agatur sectionem faciens in subjecto plano rectam $\Theta\Sigma$, & in YX rectam ΔZ . Agatur denique per rectam AI punctumque Γ tertium planum sectionem faciens in plano $\Delta\Theta$ rectam ΓZ parallelam ipsi AI. Quoniam igitur datus est angulus $\Delta X\Sigma$, erit utique datus etiam eidem æqualis $\Gamma\Delta Z$. Datus est autem etiam angulus $\Delta\Gamma Z$, utpote æqualis angulo TIA . Igitur triangulum $\Gamma\Delta Z$ specie datum est. Data est autem magnitudine recta $\Gamma\Delta$. Triangulum igitur $\Gamma\Delta Z$ specie & magnitudine datum est; ideoque data magnitudine ΔZ . Atqui data eadem est etiam positio, datumque unum ejus extremum Δ . Igitur & alterum Z est datum. Jam vero inventis punctis Δ & Z , demonstrabitur, ut in Propositione sexta, puncta M , S , R data esse. Itaque jungantur in tribus hisce figuris rectæ NM , MS , SR , RN : atque erit, per definitionem Propositionis undecimæ libri I., quæ oritur delineatio $MNRS$, scenographia concurrens procumbensque basis rectæ $IBLK$.

per 40. dat.

per cor. 40.
dat.



per 28. &
25. dat.

Data igitur positione & magnitudine basi recta umbræ parallelæ pyramidis triangularem basim habentis ; & quæ sequuntur. Quod oportebat facere.



P R O P O S I T I O VIII.

Data positione & magnitudine basi recta umbræ recedentis pyramidis triangularem basim habentis, ejusdem basis rectæ scenographiam tum parallelam, tum parallelam procumbentemque conficere.

Data sit positione & magnitudine basis recta IBLK umbræ recedentis IBLKΠ pyramidis ABCD, cujus basis ABC, vertex D. Oportet conficere scenographiam tum parallelam, tum parallelam procumbentemque basis rectæ IBLK.



Sit delineatio ENPO scenographia five parallela, five parallela procumbensque pyramidis ABCD: descriptaque sint diagrammata, quæ iis conficiendis, basiue rectæ IBLK inveniendæ necessaria sunt, ut in Propositionibus quarta & sexta libri I., & secunda hujusce. Ac recta quidem $\Pi\Sigma$ five erit ultra planum YX, five citra. Sit primo ultra planum YX: ducaturque a puncto Σ ad planum YX ipsi FH parallela recta ΣZ . Erit utique, per Propositiones, quas diximus, quartam & sextam libri I., datum punctum Z. Ducatur modo a puncto I ad planum item YX recta IM parallela ipsi FH. Atque erunt puncta Z, H, M in plano ΣM . Sunt autem eadem etiam in plano YX. Igitur puncta Z, H, M sunt in communi sectione planorum ΣM , YX, ideoque in recta linea ZM. Eadem ratione, ducta ΠT ad planum YX ipsi FH parallela, demonstrabitur datum esse punctum T, itemque esse in recta linea puncta T, E, M. Ex quo sequitur punctum M datum esse, utpote quod in utraque est recta positione data ZM, TM. Eodem modo ductis a punctis K, L ad planum YX rectis KS, LR ipsi FH parallelis, data erunt puncta S, R. At vero recta $\Pi\Sigma$ cadat citra planum YX: ducantur-



que a punctis Σ , Π ad planum YX rectæ ΣZ , ΠT ipsi FH parallelæ. Erunt utique, ut infra demonstrabimus, puncta Z , T data. Quocirca eadem fiant, quæ supra; eodemque modo demonstrabitur data esse puncta M , S , R . Itaque jungantur in quatuor hisce figuris rectæ NM , MS , SR , RN : atque erit, per definitiones Propositionum quartæ & sextæ libri I., quæ oritur delineatio $MNRS$, scenographia sive parallela, sive parallela procumbensque basis rectæ $IBLK$.

Data igitur positione & magnitudine basi recta umbræ recedentis pyramidis triangularem basim habentis; & quæ sequuntur. Quod oportebat facere.

PROPOSITIO IX.

Dato puncto aliquo citra planum subjecto plano perpendiculare, punctum in hoc plano invenire, in quod a dato recta linea incidit rectæ cuidam parallela, quæ cum communi planorum sectione in sublimi angulos facit.

Datum sit citra planum AB perpendiculare plano CD punctum aliquod G ; angulosque in sublimi faciat, cum communi planorum AB , CD sectione CB , recta CE , cujus ad planum CD inclinatio sit angulus ECF . Oportet invenire in plano AB id punctum, in quod a G incidit recta linea parallela ipsi CE .


ventoque puncto M, ducatur a G ipsi GM parallela recta GL. Erit utique LM ipsi GG æqualis. Ex quo sequitur punctum L inventum esse.

Dato igitur puncto aliquo citra planum subiecto plano perpendicularare; & quæ sequuntur. Quod oportebat facere.

PROPOSITIO X.

Dato puncto aliquo citra planum ad subiectum planum inclinatum, punctum in hoc plano invenire, in quod a dato recta linea incidit rectæ cuidam parallela, quæ cum communi planorum sectione in sublimi angulos facit.

Datum sit citra planum AB inclinatum ad planum CD punctum aliquod G; angulosque in sublimi faciat, cum communi



planorum AB, CD sectione CB, recta CE, cuius ad planum CD inclinatio sit angulus ECF. Oportet invenire in plano AB id punctum, in quod a dato incidit recta linea parallela ipsi CE.



LM. Data est autem LM & positione, datumque unum ejus extremum M. Igitur & alterum L est datum. Inventum est igitur per 27. dat. in plano AB id punctum, in quod a G incidit recta linea ipsi CE parallela.

Dato igitur puncto aliquo citra planum ad subiectum planum inclinatum; & quæ sequuntur. Quod oportebat facere.

PROPOSITIO XI.



Data positione & magnitudine basi recta umbræ recedentis pyramidis triangularem basim habentis, ejusdem basis rectæ scenographiam tum concurrentem, tum concurrentem procumbentemque conficere.

Data sit positione & magnitudine basis recta IBLK umbræ recedentis IBLKΠ pyramidis ABCD, cujus basis ABC, vertex D. Oportet conficere scenographiam tum concurrentem, tum concurrentem procumbentemque basis rectæ IBLK.



Sit delineatio ENFO scenographia sive concurrens, sive con-

currens procumbensque pyramidis ABCD: descriptaque sint diagrammata, quæ iis conficiendis, basiue rectæ IBLK inveniendæ necessaria sunt, ut in Propositionibus septima & undecima libri I., & secunda hujusce. Ac recta quidem $\Pi\Sigma$ sive erit ultra planum YX, sive citra. Sit primo ultra planum YX: ducanturque a punctis Σ , Π ad Γ rectæ $\Sigma\Gamma$, $\Pi\Gamma$ plano YX occurrentes in punctis Z, T. Erunt utique, per Propositiones, quas diximus, septimam & undecimam libri I. data puncta Z, T. Itaque si jungantur rectæ $\Pi\Gamma$, $K\Gamma$, $L\Gamma$ plano YX occurrentes in punctis M, S, R, demonstrabitur, ut in Propositione octava, puncta M, S, R data esse. At vero recta $\Pi\Sigma$ cadat citra planum YX: ducanturque a punctis Σ , Π ad Γ rectæ $\Sigma\Gamma$, $\Pi\Gamma$, quæ productæ ad



partes Z, T plano YX occurrant in punctis Z, T . Erunt utique, ut infra demonstrabimus, puncta Z, T data. Quocirca si


eadem fiant, quæ supra, eodem modo demonstrabitur data esse puncta M, S, R. Itaque jungantur in quatuor hisce figuris rectæ NM, MS, SR, RN: atque erit, per definitiones Propositionum septimæ & undecimæ libri I., quæ oritur delineatio MNRS, scenographia sive concurrens, sive concurrens procumbensque basis rectæ IBLK.

Data igitur positione & magnitudine basi recta umbræ recedentis pyramidis triangularem basim habentis; & quæ sequuntur. Quod oportebat facere.

PROPOSITIO XII.


Dato puncto aliquo citra planum ad subiectum planum perpendicularare, punctum in hoc plano invenire, in quod recta linea incidit, quæ per punctum datum, aliudque item datum in sublimi, & ad easdem partes, ducitur.

Datum sit citra planum AB perpendiculare plano CD punctum



aliquod E, datumque item sit in sublimi punctum aliud F. Oportet invenire in plano AB id punctum, in quod incidit recta linea, quæ ducitur per duo puncta F, E.

R ii



Sit primo punctum E in plano CD . Ducantur autem a punctis F , E ad planum AB rectæ lineæ FG , EL sibi invicem parallelæ. Hoc autem quomodo fiat, in Propositione septima libri I. demonstratum est. Atque erunt puncta G , I data. Ducantur modo per puncta F , E , & G , I rectæ FE , GI sibi invicem occurrentes in puncto K ; & per punctum E recta EH ipsi GI parallela. Quoniam igitur triangula FHE , EIK sunt æquiangula, ideo ut FH ad HE , ita se habet EI ad IK . At vero ratio, quam FH habet ad HE , est data. Igitur & ratio data est, quam EI habet ad IK . Data est autem magnitudine EI . Data est igitur magnitudine & IK . Atqui data eadem est & positione, datumque unum ejus extremum I . Igitur & alterum K est datum. Inventum est igitur in plano AB id punctum, in quod incidit recta linea, quæ ducitur per puncta F , E . At vero punctum E sit in sublimi: ducaturque ab eodem, plano CD perpendicularis, recta EE . Erit utique datum punctum E . Itaque eadem fiant, quæ supra; inventoque puncto K , ducatur ab eodem recta KL parallela ipsi EE ; jungaturque FE ipsi KL occurrens in puncto L . Quoniam igitur triangula FEE , FKL sunt æquiangula, datæque sunt magnitudine rectæ FE , EE , FK , demonstrabitur, ut supra, punctum L datum esse. Inventum est igitur in plano AB id pun-

per. 26. 4.
& 1. dat.
per 2. dat.
per 26. &
29. dat.
per 27. dat.


Etum, in quod incidit recta linea, quæ ducitur per puncta F, E.

Dato igitur puncto aliquo citra planum subiecto plano perpendiculari; & quæ sequuntur. Quod oportebat facere.


PROPOSITIO XIII.

Si in figura superioris Propositionis sumatur in IC, communi planorum AB, CD sectione, recta IM ipsi IE æqualis, & in GA recta GH æqualis rectæ FG, jungaturque recta HM, ea per punctum K transibit. Item si a puncto I ducatur recta IP ipsi EE æqualis & parallela, jungaturque recta GP, ea transibit per punctum L.

Si enim recta HM per punctum K non transibit, ea fecer, ut in apposita figura, rectam GK in puncto N. Erunt utique trian-



gula GHN, IMN æquiangula. Ut igitur GH ad IM, ita se habet GN ad NI. At vero GH ad IM ita se habet, ut FG ad EI; quoniam GH æqualis est ipsi FG, & IM æqualis ipsi IE; itemque FG ad EI, ut GK ad KI. Igitur GN ad NI ita se habet, ut GK ad KI. Et dividendo, GI ad NI ita se habet, ut



supra, puncto K, agatur per rectas EE, FK planum sectionem
 faciens in plano CD rectam EQ, & in plano AB rectam KL.
 per 25. & 26. dat. Atque erit EQ, ideoque & KL positione data. Ducatur a puncto K recta KO ipsi EE parallela, & KP perpendicularis ipsi CB; jungaturque OP. Demonstrabitur, ut alibi sæpius, angulum OPK esse planorum AB, CD inclinationem, ideoque datum: ex quo colligitur datum esse etiam angulum ONK, sive eidem æqualem QNL. Jungatur modo recta FE ipsi KL occurrens in puncto L; ducaturque a puncto E, quod est in plano CD, recta EM parallela ipsi KL. Quoniam igitur triangulum FEE specie datum est; quippe data est unaquæque rectarum FE, EE, FE; datus utique erit angulus FEE, ideoque & qui deinceps est positus, MEE. Datus est autem etiam angulus EEM, utpote qui reliquus est ex duobus NEE, NEM, quorum uterque est datus. Igitur triangulum EEM specie datum est. At vero data est magnitudine recta EE. Triangulum igitur EME specie & magnitudine est datum; ideoque data est magnitudine recta ME. Quoniam igitur triangula FEM, FKL sunt æquiangula, ideo ut FE ad EM, ita se habet FK ad KL. At vero ratio, quam habet FE ad EM, est data. Igitur & ratio data est, quam FK habet ad KL.

KL. Data est autem magnitudine FK. Data est igitur magnitudo per 2. dat. & KL. Atqui data eadem est & positione, datumque unum ejus extremum K. Igitur & alterum L est datum. Inventum per 27. dat. est igitur in plano AB id punctum, in quod incidit recta linea, quæ ducitur per puncta F, E.

Dato igitur puncto aliquo citra planum ad subiectum planum inclinatum; & quæ sequuntur. Quod oportebat facere.


COROLLARIUM.

Illud vero manifestum est, puncta K, L haud fecus in hac Propositione inveniri posse, atque in duodecima per Propositionem decimam tertiam inventa sint; si, ad punctum L quod attinet, recta KL a puncto K ita ducatur, ut ea communis sit planorum AB, FKL sectio.

PROPOSITIO XV.

Data positione & magnitudine basi recta umbræ parallelæ pyramidis triangularem basim habentis, ejusdem basis rectæ scenographiam parallelam horizontalem conficere.

Data sit positione & magnitudine basis recta IBLK umbræ parallelæ ABCDKLBI pyramidis ABCD, cujus basis ABC, vertex D. Oportet conficere scenographiam parallelam horizontalem basis rectæ IBLK.



Sit delineatio ENPO scenographia parallela horizontalis pyramidis ABCE: descriptaque sint diagrammata, quæ illi conficiendæ, basiue rectæ IBLK inveniendæ necessaria sunt, ut in Propositionibus decima quinta libri I., & prima hujusce. Ducantur autem a punctis I, K, L rectæ ipsi FH parallele plano YX occurrentes in punctis M, S, R: eruntque, per Propositionem, quam diximus, decimam quintam libri I., puncta M, S, R data. Itaque jungantur rectæ NM, MS, SR, RN: atque erit, per definitionem Propositionis decimæ quintæ libri I., quæ oritur delineatio MNRS, scenographia parallela horizontalis basis rectæ IBLK.

Data igitur positione & magnitudine basi recta umbræ parallele pyramidis triangularem basim habentis; & quæ sequuntur. Quod oportebat facere.

COROLLARIUM I.

Quoniam duo plana parallela IH , KN ; FE , BO ; IE , KO secantur a plano YX , erunt utique parallelæ inter se invicem communes ipsorum sectiones. Ex quo illud sequitur, quod in Corollario Propositionis quintæ collectum est, invento puncto quolibet M delineationis $MNRS$, reliqua S , R , & siqua sunt alia, facillime inventum iri.


COROLLARIUM II.

Et quoniam in Corollario tertio Propositionis decimæ quintæ libri I. demonstratum est, eam delineationem in subiecto plano posse repræsentari, quæ in parallelo conficienda erat, constat id quoque verum esse de delineatione $MNRS$.

PROPOSITIO XVI.

Data positione & magnitudine basi recta umbræ parallelæ pyramidis triangularem basim habentis, ejusdem basis rectæ scenographiam concurrentem horizontalem conficere.

Data sit positione & magnitudine basis recta $IBLK$ umbræ parallelæ $ABCDKLBI$ pyramidis $ABCD$, cujus basis ABC , vertex D . Oportet conficere scenographiam concurrentem horizontalem basis rectæ $IBLK$.



Sit delineatio ENPO scenographia concurrens horizontalis pyramidis ABCD: descriptaque sint diagrammata, quæ illi conficiendæ, basiue rectæ IBLK inveniendæ necessaria sunt, ut in Propositionibus decima sexta lib. I., & prima hujusce. Ducatur a puncto Θ , in quod incidit $\Gamma\Theta$ plano VA perpendicularis, recta $\Theta\Delta$ parallela ipsi FI : deinde vero agantur duo plana, alterum quidem per $\Gamma\Theta$, $\Theta\Delta$ sectionem in plano YX faciens rectam ΔT , alterum vero per AI , punctumque F sectionem faciens in plano $\Gamma\Theta\Delta$ rectam $\Gamma\Delta$. Atque erunt triangula AFI , $F\Theta\Delta$, $\Gamma\Delta T$ æquiangula. Igitur ut AF ad FI , ita se habet $\Gamma\Theta$ ad $\Theta\Delta$, sive $\Gamma\Delta$ ad ΔT . At vero ratio, quam habet AF ad FI , est data. Igitur & ratio data est, quam $\Gamma\Delta$ habet ad ΔT . Data est autem magnitudo $\Gamma\Delta$. Data est igitur magnitudine & ΔT . Atqui data eadem est & positione, datumque unum ejus extremum Δ . Igitur & alterum T est datum. Jungatur modo recta IT plano YX occurrens in puncto M . Quoniam igitur duo plana parallela YX , VA secantur a plano FIT , erunt utique communes ipsorum sectiones HM , FI inter se invicem parallelæ. Quare punctum M erit in

per 1. dat. ΔT . At vero ratio, quam habet AF ad FI , est data. Igitur & ratio data est, quam $\Gamma\Delta$ habet ad ΔT . Data est autem magnitudo $\Gamma\Delta$. Data est igitur magnitudine & ΔT . Atqui data eadem est & positione, datumque unum ejus extremum Δ . Igitur & alterum T est datum. Jungatur modo recta IT plano YX occurrens in puncto M . Quoniam igitur duo plana parallela YX , VA secantur a plano FIT , erunt utique communes ipsorum sectiones HM , FI inter se invicem parallelæ. Quare punctum M erit in

per 2. dat. ΔT . At vero ratio, quam habet AF ad FI , est data. Igitur & ratio data est, quam $\Gamma\Delta$ habet ad ΔT . Data est autem magnitudo $\Gamma\Delta$. Data est igitur magnitudine & ΔT . Atqui data eadem est & positione, datumque unum ejus extremum Δ . Igitur & alterum T est datum. Jungatur modo recta IT plano YX occurrens in puncto M . Quoniam igitur duo plana parallela YX , VA secantur a plano FIT , erunt utique communes ipsorum sectiones HM , FI inter se invicem parallelæ. Quare punctum M erit in

per 28. dat. ΔT . At vero ratio, quam habet AF ad FI , est data. Igitur & ratio data est, quam $\Gamma\Delta$ habet ad ΔT . Data est autem magnitudo $\Gamma\Delta$. Data est igitur magnitudine & ΔT . Atqui data eadem est & positione, datumque unum ejus extremum Δ . Igitur & alterum T est datum. Jungatur modo recta IT plano YX occurrens in puncto M . Quoniam igitur duo plana parallela YX , VA secantur a plano FIT , erunt utique communes ipsorum sectiones HM , FI inter se invicem parallelæ. Quare punctum M erit in

per 27. dat. ΔT . At vero ratio, quam habet AF ad FI , est data. Igitur & ratio data est, quam $\Gamma\Delta$ habet ad ΔT . Data est autem magnitudo $\Gamma\Delta$. Data est igitur magnitudine & ΔT . Atqui data eadem est & positione, datumque unum ejus extremum Δ . Igitur & alterum T est datum. Jungatur modo recta IT plano YX occurrens in puncto M . Quoniam igitur duo plana parallela YX , VA secantur a plano FIT , erunt utique communes ipsorum sectiones HM , FI inter se invicem parallelæ. Quare punctum M erit in


recta HM positione data. Et quoniam parallelæ sunt rectæ IT , per 23. dat. AI , demonstrabitur, ut in Propositione sexta, punctum M esse in recta ET data item positione. Punctum igitur M erit datum. per 25. dat. Jungantur modo rectæ KI , LI plano YX occurrentes in punctis S , R . Eodem modo demonstrabitur puncta S , R data esse. Itaque jungantur rectæ NM , MS , SR , RN : atque erit, per definitionem Propositionis decimæ sextæ libri I., quæ oritur delineatio $MNRS$, scenographia concurrens horizontalis basis rectæ $IBLK$.

Data igitur positione & magnitudine basi recta umbræ parallelæ pyramidis triangularem basim habentis; & quæ sequuntur. Quod oportebat facere.

PROPOSITIO XVII.

Data positione & magnitudine basi recta umbræ recedentis pyramidis triangularem basim habentis, ejusdem basis rectæ scenographiam parallelam horizontalem conficere.

Data sit positione & magnitudine basis recta $IBLK$ umbræ recedentis $IBLK\pi$ pyramidis $ABCD$, cujus basis ABC , vertex D . Oportet conficere scenographiam parallelam horizontalem basis rectæ $IBLK$.



Sit delineatio ENPO scenographia parallela horizontalis pyramidis ABCD: descriptaque sint diagrammata, quæ illi conficiendæ, basiue rectæ IBLK inveniendæ necessaria sunt, ut in Propositionibus decima quinta libri I., & secunda hujusce. Ducatur a puncto Σ ad planum YX ipsi FH parallela recta ΣZ . Erit utique, per Propositionem, quam diximus, decimam quintam libri I., datum punctum Z. Jungatur a puncto Θ , in quo $\Sigma\Pi$ occurrit plano YX, recta ΘZ ; eademque producta, fiat, ut $\Sigma\Theta$ ad ΘZ , ita $\Pi\Theta$ ad ΘT ; jungaturque ΠT . Erunt igitur triangula $\Theta\Sigma Z$, $\Theta\Pi T$ æquiangula, angulusque $\Sigma Z\Theta$ æqualis angulo $\Pi T\Theta$: ac propterea ΠT parallela ipsi ΣZ . Quoniam vero $\Pi\Theta$ ad ΘT datam habet rationem, eademque magnitudine data est, ideo data erit magnitudo etiam ΘT . Atqui data eadem est & positione, datumque per 2. dat. per 26. dat. per 27. dat. unum ejus extremum Θ . Igitur & alterum T est datum. Ducatur modo a puncto I recta IM parallela ipsi FH. Demonstrabitur, ut in Propositione octava, puncta quidem Z, H, M esse in recta linea ZM, puncta vero T, E, M esse in recta linea TM. Ex quo sequitur punctum M esse datum. Eodem modo du-

Etis a punctis K, L ad planum YX rectis KS, LR ipsi FH parallelis, data erunt puncta S, R . Itaque jungantur rectæ NM, MS, SR, RN : atque erit, per definitionem Propositionis decimæ quintæ libri I., quæ oritur delineatio $MNRS$, scenographia parallela horizontalis basis rectæ $IBLK$.


Data igitur positione & magnitudine basi recta umbræ recedentis pyramidis triangularem basim habentis; & quæ sequuntur. Quod oportebat facere.

PROPOSITIO XVIII.


Data positione & magnitudine basi recta umbræ recedentis pyramidis triangularem basim habentis, ejusdem basis rectæ scenographiam concurrentem horizontalem conficere.

Data sit positione & magnitudine basis recta $IBLK$ umbræ recedentis $IBLK\Pi$ pyramidis $ABCD$, cujus basis ABC , vertex D . Oportet conficere scenographiam concurrentem horizontalem basis rectæ $IBLK$.

$\Gamma\P$ ipsi $\Delta\Theta$ est parallela. Igitur & $\Gamma\P$ eidem plano erit ad rectos angulos; ideoque plana tum YX , quod per ipsam agitur $\Delta\Theta$, tum $\Pi\Gamma$, si producatur, quod per ipsam agitur $\Gamma\P$, plano $\Sigma\Theta\P$ ad rectos etiam angulos erunt. Secant autem eadem hæc se se invicem. Igitur & communis ipsorum sectio ΣM plano $\Sigma\Theta\P$ erit ad rectos angulos; ac proinde parallela ipsi $\Delta\Theta$. Quare recta EM positione data erit. Demonstrabitur, ut in Propo. per 28. dat. fitione undecima, puncta Z , H , M esse in recta linea ZM data item positione. Punctum igitur M est datum. Jungantur modo rectæ $K\Gamma$, $L\Gamma$ plano YX occurrentes in punctis S , R . Eodem modo demonstrabitur, puncta S , R data esse. At vero



recta $\Sigma\P$ sit inæqualis ipsi $\Gamma\Lambda$. Invento, ut supra, puncto Z jungantur rectæ ΔZ , $\Gamma\P$, eademque producantur, quousque simul concurrant in puncto T ; & ducatur a puncto Π recta ΠV ipsi $\Delta\Theta$ parallela. Erunt igitur triangula $\Gamma V\P$, $\Pi\Theta T$ æquiangularia; ideoque data erit ratio, quam $\Pi\Theta$ habet ad ΘT . Data est autem magnitudine $\Pi\Theta$. Data est igitur magnitudine etiam ΘT . per 2. dat. Atqui data eadem est & positione, datumque unum ejus extre. per 26. dat.



per 27. dat. mum Θ . Igitur & alterum T est datum. Jungatur modo recta IT plano YX occurrens in puncto M . Itidem demonstrabitur, ut in Propositione undecima, puncta quidem Z, H, M esse in recta linea ZM ; puncta vero T, E, M esse in recta linea TM . Ex quo sequitur punctum M esse datum. Eodem modo junctis a punctis K, L rectis KI, LI plano YX occurrentibus in punctis S, R , hæc puncta erunt data. Itaque jungantur tam in prima, quam in secunda figura rectæ NM, MS, SR, RN : atque erit, per definitionem Propositionis decimæ sextæ libri I., quæ oritur delineatio $MNRS$, scenographia concurrens horizontalis basis rectæ $IBLK$.

Data igitur positione & magnitudine basi recta umbræ recedentis pyramidis triangularem basim habentis; & quæ sequuntur: Quod oportebat facere.

FINIS
LIBRI SECUNDI.

V E R O N Æ

Typis HEREDUM MARCI MORONI

IDIB. MART. MDCCLXXXVIII.





2563-118

